

## Universitätsbibliothek Paderborn

**D. Ioannis Ivsti Lanspergii Carthviani, Natione Bavari,  
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Quinquagena prima Theoriarum, in temporalem ortum, processum &  
conuersationem D. N. Iesu Christi, beatissimæq[ue] matris eius.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

D. IOAN: IVSTI LANS PERGIL,  
Carthusiani, in ortum, vitam, passionem,  
glorificationemque Domini & saluatoris nostri Iesu Christi, eiusdem-  
que sacratissimae matris virginis Mariæ, Theoriarum centum & quin-  
quaginta liber unus, in Quinquagenas tres, velut partes distribu-  
tus, ex sacris Bibliis concinnatus, una cum alijs quam pluri-  
mis animum Christianum acpium ad Dei sui, proxi-  
miique dilectionem vehementer.  
stimularibus.

QVINQVAGENA PRIMA THEORIARVM.  
in temporalem ortum, processum, & conuersationem Domi-  
ni nostri Iesu Christi, beatissimaeque matris eius.

Et creauit Deus hominem ad imaginem suam ad imaginem Dei crea-  
uit illum. Genesis I. & II.

Deus creauit hominem inextirminabilem, & ad imaginem similitu-  
dinis sua fecit illum. Sapientia II.

Qui viuit in æternum, creauit omnia simul, Ecclesiastici, XVIII.

Theoria I.

*Canctæ  
OCCAR.*

Summe & excellentissime Deus, quid ego pauperrimus & vilis-  
sum peccator tibi pro immensis beneficijs & donis tuis, citra  
meritum, imo & contra demerita mea mihi exhibitis, quid  
pro charitate tua gratuita tibi exhibeam? qui rationalem crea-  
turam ex nihilo me fecisti, mundum & omnem ornatum eius  
propter me creasti, angelos mihi custodes constituisti, per vni-  
geniti tui mortem, à morte me redemisti, ad fidem me voca-  
sti saluificam, per multo tempore grauissimis criminibus op-  
pressum non damnasti, obstinatum denique multipliciter ad penitentiam redu-  
xisti, dans locum, tempus, statum bene vivendi, talem actantum, emendandi  
quoque voluntatem infundens, à peccatis liberans, & à periculis temptationibus  
preferuans, animæ & corpori quietem & consolationem prouidisti: postremo, si  
fidelis fuero (ad quod ipse iuuas) te quoq; qui es vita æterna, promisisti.

Pro gratitudine diuinoque amore, Precatio.

**E**Ia creator benignissime, adoro, laudo & benedico te pro his & alijs omnibus  
infinitis beneficijs tuis: atq; utinam tantæ charitati me efficias gratum. Utinam  
durū cor meū his insignijs amoris emelliatur. O utinam dulcis Iesu ad tui amo-  
rensa

mem accendar: vtinam tui amore inextinguibiliter ardeam: vtinam omnibus creaturis valefaciens, tibi soli inhæream. In nulla creatura aliud intelligam, aliud quæram, aliud intendam, aliud inueniam præterquam te. Omnia te mihi prædicent, omnia te mihi insinuent, omnia me in tui cognitionem rapiant, omnia me in tui ascendit amorem. Te solum cupiam, te solum sentiam. Quicquid video, quicquid audiero, quicquid sensero, tu solus intres & possideas eorū meum, verēbis sis mihi omnia in omnibus, Amen.

Videbam Sathanam sicut fulgur de cœlo cadentem. *Lucæ X.*

Eiecitque Adam & Euam de paradiso, & collocauit ante eam flammeum gladium ad custodiendam viam ligni vitæ. *Genesis III.*

*Theoria secunda.*

**O**mnipotens æternæ Deus, colende, metuende, tremende, quam inuestigabiles iustitiae tuæ, quam profunda sunt iudicia sapientiae tuæ, qui neque angelis, neque hominibus pepercisti transgressoribus, sed illos è cœlo, hos è paradiſo superbentes & inobedientes vindicet. *Vindex.*

*Pro sui illuminatione, Precatio.*

**I**LLustra cor meum ò æterna sapientia, splendore luminis tui. Circundet me lux gratiae tuæ, qua videam, cognoscam & odiam vilitatem propriam, miseriam, ingratisudinem, infidelitatem & omniæ immundiciam meam: ut nihil in meipso, in te autem omnia sperem: de mea impossibilitate & nihileitate desperem, in tua bonitate plenissimè confidam. Mihi perfectè displiceam, tibi perfectè & summe placeam, salvator & redemptor meus, Domine Iesu Christe, Amen.

Pulcherrima foeminarum eligitur ei. *Iudicium V.*

Elegit eam in habitationem sibi. *Psalmus CXXXI.*

*Theoria tertia.*

**B**enedico te creator omnium piissime Domine Deus meus, benedico te, qui ab eterno Virginem nobilissimam & tibi gratissimam elegisti, instituens ex ea carnem assumere, nasci, & pro salute nostra mori. Sed & tu ò Virgo in æternū sis benedicta. O excellentissima omnium creaturarum, ante secula præordinata, in qua nostra redempcionis mysterium ageretur, qua mater fieres creatoris inter Christum & nos mediatrix, porta cœli, ianua paradiſi, portus naufragantis seculi, stella maris præclarissima, exordium vitæ, introitus gratiæ, mater totius misericordiæ, Deo acceptissima & vniuerso mundo necessaria.

*Pro spirituali adoptione, Precatio.*

**I**mpetravi mihi veniam peccatorum meorum, & ut sim de numero electorum, filium tuum tecum feruentissime diligentum. Atq; vtinam tuis meritis ac precibus dignus efficiar adoptione filiorum electorum Dei, Amen.

Hortus conclusus es soror mea sponsa, hortus conclusus, fons signatus.

*Cantic. IV.*

*Theoria*



## Theoria quarta.

Signata.

**Q**vanta est benignitatis tuae o Deus clementissime magnitudo', qui mundo volens misereri, hunc diu ante ad suae liberationis spem & tuæ incarnationis fidem excitaſti per signa & figuræ variæ ipsum erudiens, & præclaræ huius Virginis matris tuae futuræ vitæ, sanctimoniamq; præmonstrans. Quare & tu o felicissima ac beatissima Virgo nunc salve, quæ signis esvarijs & figuris mūndo ostensa. Scala Iacob cœlos attingens, Rubus ardens, & ardorem nesciens, Aaron virga florida, Propiciatorium & Dei arca, Vellus Gedeonis, Templum veri Salomonis, Stirps & radix Iesse, Ezechielis porta clausa, Hortus conclusus Fons signatus. Tanta est excellentia tua, tanta dignitatis tuae prærogatiua, ut vel innumera figurærum mysteria non sufficiant mundo tuam ostendere sanctitatem.

Pro Dei Matris amore, Precatio.

**D**ignare me quæſo o desiderabilissima Domina in seruulum acceptare, in fidium adoptare, affumere in tui amatorem castissimum, & in veneratorem deuotissimum. Fac me quæſo o amabilissima, de eorum numero, quos pectori tuo virgineo inscriptos tibi familiarissimè signasti. O dulcis & delectabilis vulnera cor meum tui amore, ut totus tua pulchritudine attrahar, tuo decore illiciar, tua pietate capiar, tua dulcedine absorbear, tui amore ardeam & langueam. Amen.

Exiit virga de radice Iesse, &amp; flos de radice eius ascendet. Esaiæ XI.

## Theoria V.

Proplaetis.

**D**ebetur tibi ab omni creatura, o Deus misericordissime, laus & gratiarum actio, non minor quam immensa & sempiterna, pro consolatione qua tuos in hoc mundo confortasti: qui non solum per ænigmata figurarum, sed etiā per prophetarum oracula quibus spiritum tuum infudisti, tuam incarnationem credibilem nimis fecisti, tuum aduentum indies clarius prænuntians, donec tandem Joachim & Anna auis tuis sanctis, sanctoq; coniugio vtentibus prolem virginæ, ex qua salus nasceretur omnium promitteres.

Gaudet igitur & tu o felicissima Virgo, quæ vaticinijs prophetarum gloriose commendata, seculis promissa, mundo desiderata, parentibus sanctis cœlitus prænuntiariis nascitura, post Christum hortus deliciarum, fons indeficiens sitientium animalium, æstuantium refrigerium, defolatarum solatium, laborantium subleuatrix, & clamantium ad te singularissima adiutrix. Tu sola digna es ut per te Deus pacem suam terris infundat, iama summis conciliat, humanum genus redimat, vincetos ex inferni claustris reducat, reserat ianuam cœli, angelicam ruinam reparat. O benedicta regis æterni filia, omnibus desideratissima. Tu nobis promissa & data es, ut sis tenebroso mundo solaris radius, quo corda nostra illuminationem accipient, ut sis velut canalis seu aquæ ductus, quo totus mundus gratiae diuinæ fluenter hau-riat.

Pro devotione ad Dei Matrem, Precatio.

**E**ia placeat tibi, & unica post Christum suauissima consolatio peccatricis animæ meæ: Eia placeat tibi, & fac ut totus siam tuus, & tu tota mea post Deum unica spes nobis promissa, dulcedo & delectatio desideratissima, Amen.

Non-



Nondum erant abyssi, & ego iam concepta eram. Proverb. 8.

## Theoria VI.

**O** Virgo ab initio & ante secula creata, in Deo ab æterno præparata, à parentibus verò sanctis solo timore Dei & propter obedientiam, conuenientibus, in tempore sanctissima es concepta. O præclara puella ac lucidissima creatura, à sole iustitia de te progressu matutina quadam irradiatione preuenta. Qui enim fabricatus est auroram & solem, te multo puriorem fabricauit suam matrē. Talem te condidit in tempore, qualem te elegit & habere voluit in sua æternitate: quia in te & ex te statuit astumere, quod sibi per perpetuo vnitū foret in vnitate personæ, de quo exiret pretium redemptiois, iustificationis, & beatificationis humanae.

## Pro Dei Matri amore &amp; laude, Precatio.

**O** Candida, & rubicunda, & elesta ex milibus, imò post Deum electissima ex omnibus, quæso ne despicias me sordidum, vilem ac miserrimum, in peccato conceptum & enutritum, dum adhuc infantula es, dum in utero es: te desidero, teamare concupisco, gratiam tuam ambio, me tibi commando & dono: fac sim tuus, & talis, cuiusmodi tu in oculis Dei esse voluisti, & qualem me esse velis, aut esse debo; imò cuiusmodi tibi placorem maximè. O dulcis, generosa & præelecta puella, sacrosancta virgo Maria, respice & suscipe me tibi donatum, Amen.

Tota pulchra es amica mea, & macula non est in te. Can. 4.

## Theoria VII.

**O** Excellentissimæ puritatis Virgo, Christo præ omnibus vicina, sola inter omnes immaculata, sola omni ab omni peccato præseruata. O flos pulcherrime, & lily candidissimum, in conspectu summe Trinitatis nitidum. Tota enim tu pulchra es & beatissima, templum Spiritus sancti, thalamus Filii Dei, Patris triclinium, sanctæ Trinitatis palatium, quam sibi præparauit, edificauit, & consecrauit altissimus.

Christe Iesu fili Dei, sis in æternum benedictus. Laus, honor & gloria sit tibi ab omni creatura, pro singulari & inenarrabili dono, quo matrem tuam dignissimam honoras præuenisti, benedixisti, & omnibus creaturis puriorem, splendidiorem fecisti. Ecce adoro, laudo, benedic te, & ex affectu vniuersæ creaturæ millies infinites, tibi gratias ago, qui mundo fidus hoc pulcherrimum & ante lucanum donasti. Decebat ut purissimam inhabitares domum, qui mundum volebas perficare vniuersum.

## Pro Dei Matri deuotione &amp; amore, Precatio.

**E** Ja dulcissime Iesu, animarum amatores, & nihil nobis tam salubre negans. Da mihi xenium illud inter omnes creaturas nobilissimum, tibi placentissimum, mortalibus desideratissimum, post te solarium atque gaudium nostrum unicum atque præcipuum. Da mihi puellam hanc ante mundi constitutio[n]em tibi eletam. Nec finas vt ab hac gratia, seu uirtus, seu prauitas propria me excusat. Non impediant me peccata mea, qui potius tu aufer a me iniuriantes meas. Aufer ab anima mea omnes sordes, & quicquid oculis huius beatissimæ Virginis non congruit. Iube ei vt consentiat me recipere in seruulum, in filium, in alumnum, in sui amatorem (vt ipsa vulnus) castissimum, fuentissimum ac fidelissimum. Zeletur ipsa pro me, zeletur pro te, vt per eam totum tu possideas me, nec uspiam pateat mihi locus recedendi a te.

Ego

QVINQVAGENA I. THEORIARVM.

Ego mater pulchrae dilectionis, in me gratia omnis viae & veritatis,  
in me omnis spes vitae & virtutis, Eccles. XXIV.

Theoria VIII.

Compleetur.

**G**Aude nunc est sanctissima Virgo futura Dei genitrix, quia is qui te sibi in matrem elegit, omnium gratiarum plenitudine te superfudit, omni virtutum varietate atque perfectione decorauit, adeoq; multipli te exornauit donorum suorum tam decorè, quam excellentia, ut quicquid ceteris sanctis per partes foret datus, totum simul tibi & excellentius infunderetur. Neque enim hoc tantum tuus conditor voluit, ut ab infantia essem omnifaria gratia & sanctitate plena, verum etiam ut tua haec plenitudo in omnes nos exuberaret. Tibi namq; nullum desuit bonum, cuius pura creatura in statu viae capax fuit, aut esse potuit.

Pro castitate mentis & corporis, Precatio.

**N**unc igitur ego miser peccator, & indignus seruulus tuus, te Virginem interamat, Dei matrem, patronam & dominam meam fidelissimam, ex intimis cordis mei desiderijs laudare, & in auxilium meum inuocare cupiens, praecor in sanctissimi nominis tui praeconium, & deficientis animae meae salutem, ut reminisci digneris omnium donorum, gratiarum, privilegiorum, charismatum & gaudiorum, quibus misericors Deus te in ortu & decursu illustriissimae vite tue, secundum omnes status tam excellenter dotauit, laetificauit & decorauit, ut impetrates mihi a filio tuo misericordiam cordis, & castitatem corporis. Nihil in me resideat, quod oculis omnipotens, & cuncta cernentis displiceat. Scis pia mater, quantis virtuorum cordibus inquitinus sum, quam pravae affectionibus & concupiscentiis infectus. O si aliquando implear diuina gratia, quae haec omnia in me occidat. O dulcissima spes misericordie, ab his quando respirabo? O candidissima columba, quando ad veram puritatem & simplicitatem cordis peruenias? O vitam aliquando fieri, ut totus Deo meo placeam, & deinceps nunquam displiceam. Heu piissime Iesu, complacere at tibi ut erias me, Domine Deus meus, propter sanctitatem matris tuae, ad adiuuandum me respice. Dic animae meae: Salus tua ego sum, Amen.

Iudæis lux noua oriri visa est, gaudium, honor & tripudium apud omnes populos, urbes & prouincias. Esther VIII.

Quæ est ista quæ ascendit quasi aurora consurgens, electa ut sol, terribilis ut castrorum acies ordinata? Canticorum VI.

Quod Eua tristis abstulit, tu reddis almo germine.

Intrent ut astra flebiles, coeli fenestra facta es.

Theoria IX.

Nata.

**A**ETERNO & in æternum benedicta sit sanctissima virginis nativitas tua, operata saeculis, expectata gentibus, iuscundissima omnibus: in qua noua lux mundo oriri visa est, gaudium & tripudium vniuersis terris. Hæc est illa nativitas, quæ gaudium Angelis, Deo gloriam, vniuersoq; mundo lætitiam dedit & benedictionem. Transferat multa secula, quibus damnationis grassabatur immanitas in filios hominum, semperq; in deteriorius roborabatur, nec in massa vniuersa carnis viam sapientia summa inuenit, qua tam luciosæ perditionis ut statuerat subueniret, donec ad te est felicissima ac electissima (quam laudare gestit anima mea) ventum est.

Quæ



Quæ mox, ut in mundum per humanæ generationis lineam venisti, tanta mox omnis boni copia, tanta virtutum varietate, tantaq; constantia per ipsum ornata resplenduisti, ut per te summa sapientia, non solum primorum hominum peccata delere, verum etiam nostra propitiari, inimicum sui operis diabolum elidere, cœlestis patriæ damna redintegrare, hominem è paradiſo terrestri eiectum, in cœleſtem reducere disponeret. Benedictus sit igitur tuæ Natiuitatis exordium, quo ſimil noſtra captiuitatis liberatio, habuit ortum. Benedictus Deus Pater, qui te nobis destinauit. Benedictus Dei filius, qui te ſibi in matrem adoptauit. Benedictus sit Spiritus sanctus, qui te sanctificauit. Benedictus sit parens uterque, qui te mundo in ſalutem generauit. Eia ergo, tu omnium creaturarū dignissima, ſalve, quia progrederis velut aurora confurgens, electa ut ſol, terribilis potestatibus tenebrarum, ut caſtorum acies ordinata. Nobis denique omnibus, ut ſtella matutina rutilans, & diem ſalutis praenuntians, desideratissima adueniſti. Salve o benedicta, expectata, & millies optata pribus, ſalve.

*Pronatuitate spirituali, Precatio.*

**D**ignare me in obsequium tuum affumere, o infantula fœlicifima. Impetra mihi talem puritatem & ſanctimoniam, ut dignus ſiam matris Dei mei futuræ esse baiulus. Neque enim niſi caſta viſ habere feruitia, & ego immunius ſum. Sed per te quælo o gracioſa, inueniam gratiam in oculis Dei, ut ſua pietate præueniat me, tecumq; me renaſci faciat, & me tibi, tecq; mihi donet: quām per imitationem virtutum, & amorem caſtissimum in corde meo, velut in cunis iacentē, ubique & ſemper portem dulciter, ſimq; ſeruulus & baiulus tuus ſempiternus. Sentiam quoque in me nunc, quod de te prædicatur, nōmp̄ miserationem tecum creuiffe ab infantia, Amen.

Erat puella decora nimis, virgoque pulcherrima, & incognita viro, Genefis XXIV.

Erat pulchra nimis, & decora facie, Esther II.

Quam pulchra es, & quam decora charifima in delitijs. Cantico-rum VII.

*Theoria X.*

**O** Virgo Deo & hominibus gratifissima, nobis feliciter exhibita, quam nascituram priores desiderauerunt patres & prophetæ. Beati oculi qui te vide-<sup>to.</sup> runt, ut potè pueram speciosifimam, & omnium oculis gratioſam, quam iure Dei filius altissimi adamaret, cuius ſpeciem & decorum speciosus præ filiis hominum concupiferet. O pulcherrima mulierum, qua formam vincis omnū illuſtrium. O Virgo singulariter mirabilis & mirabiliter singularis. O quam pulchra es imperatrix cœlorum, quam ſcrutator renum probat, qnam inspectoſ coredium laudat, quam diligit author pulchritudinis, cui testimonium perhibet magiſter veritatis, cuius decorum mirantur Angeli, cuius pulchritudinem venerantur Sancti, cuius gloriā & benedictionem deuoti contemplantur, ante cuius cōſpectum humana mens luctatur, ante quam Sathan fugit, & infernus contremiſcit. Pulchra es o Domina mea, & macula non eſt in te.

**I**mperatra mihi à filio tuo animæ pulchritudinem, conscientiæ puritatem, ut illi placeam, qui me creauit, & nihil mihi extra illum placeat. Ipse solus mihi fit omnia in omnibus.

Et fecerat rex Salomon de lignis thyinis gradus in domo Domini.  
2. Paral. 9.

Hos gradus Maria sola scandit, nec quærens suffragium.

Quæ & quanta sit futura, bonum dans indicium.

Et adduxerunt eam ut præsentarent ante conspectum Domini in templum & maneret ibi, sicut dictum est de Samuele Propheta. i. Re. i.

Offerentur virgines post eam, proximæ eius adducentur in templum regi Domino, Psalmo 44.

Theoria XI.

**O** Puella pulcherrima, ô virgo immaculatissima, quæ à parentibus in templū oblatā, Domino consecrari. Quis dignè queat estimare, quanta deuotione temeripam tunc Deo obuleris, quanta humilitate commendaueris. O quātum hæc tuæ sanctissimæ ac gratissimæ seruituris professio Deo placuit. O quām odorifera hæc oblatio in conspectu Dei summi fuit. Nimirum redolens præ omnibus sacrificijs & holocaustis ab initio mundi oblatis. O quæ mox cœlitus receperisti. Quas gratias, illustrationes supernas, sublimes contemplationum excessus, spirituale sabbatum, diuinæ dulcedinis gustum, Angelorum familiare ministerium, & conscientiæ puræ, tanquam paradisi, gaudium.

Pro sua abnegatione perfecta, Precatio.

**I**mperatra mihi ô Virgo beatissima, professionis meæ oblationem indies deuotius renouare, fidelius exequi, consummareq; felicius. Ecce me denuo filio tuo per te & benedicta mater offero, iterum atque iterum me illi commendo, illi me solidi dedicare totis viribus cupio. Eia igitur & tu dulcis Iesu, ob huius felicissimæ Virginis meritæ, da mihi veram, plenam, perfectissimamq; meipsum abnegationem, ut meipsum omnino relinquent, in te projiciam, me totum exiens tibi refigrem in omnibus, adeò ut in me iam non sit velle aut nolle aliud, quām tuum: imo, ut iam non solum in templo sim oblatus tibi, verum etiam ipse quod inhabites efficiar templum, Amen.

Spiritus meus super mel dulcis, & hæreditas mea super mel & fauum. Ecclesiastici 24.

Theoria XII.

**R**Ecole nunc & reuerendissima Virgo, atque votis omnibus laudo & benedico conuersationem tuam in templo mūdissimam, sanctissimam, & verè plus quā Angelicam: qua humillima tu & piissima, mitissima quoque & dulcissima ad omnes homines, plena eras gratiarum. Vbi nemo fuit qui te non amaret, nemo qui non suspiceret, nemo qui non veneraretur, nemo qui ex te non consolaretur. Tantum absuit, ut quis ex te tristitiam potuisse habere, aut trādium. Quod enim solis claritas est mundo, hoc omnibus tu eras vitam agentibus in templo.

Pre



*Pro vita Dei Matris imitatione, Precatio.*

**C**hriste Iesu dulcissime, huius nobilem ac dulcem conuersationem pro meæ impietatis expiatione, tuis virtutibus ac meritis vniens, eadem fini omnia tibi per suauissimum cortuum offero: & vt me virginis huius castissimam amatorem, fidelissimumq; imitatem efficias, per omnes miserationes tuas obsecro, Amen.

Vna est columba mea, perfecta mea, Canticorum VI.

Theoria XIII.

**I**terum benedico te, quam toto corde diligere cupio, o dulce refrigerium, & stuantis animæ consolatio, o gaudium, o virgo amabilissima, desiderabilissima, & Fulgens suauissima. Beati qui desiderant te, beati qui inueniunt te. Siquidem omnium virtutum varietate, morum omnium honestate, excellentissima charitate, atque totius sanctitatis perfectione, non solum inter homines es singularis, verum etiam Angelicis spiritibus præfulges puritate mirabilis. Et quamvis omnis vita tua cursus ab exordio usque ad finem fuerit innocentissimus ( quippe quæ Deo nunquam displicuisti ) ab infancia tamen Deum filialiter ac reverentialiter timebas, contemplatione purissima fideliter eidem inhærens, ac dulcedine eius, castissima fruens, corpus quoque virgineum ( ut potè futurum Dei thalamum ) Angelorum ministerio reficiens. Inueniebaris in templo omnibus in vigilijs prior, in sapientia legis eruditior, in humilitate humilior, in charitate feruentior, in puritate mundior, & in omni virtute perfectior.

*Pro custodia Dei Matris, Precatio.*

**T**ibi igitur o prudentissima moderatrix, corpus meū, animam, vires, & quicquid sum aut possum commendo, & prorsus resigno, orans te per mansuetudinem cordis tui, per Iesum Christū filium tuum, & per omnes gratias, quibus te Deus mirabiliter repleuit, vt me in tuam curam suscipias, me custodias, regas & dirigas, sicut custodiisti atque rexisti corpus tuum virginum, & animam tuā sanctissimam, ad omnē virtutem, in laude, beneplacitum & gloriam omnipotentis Dei, præseruans & liberans me ab omni peccato, & perficiens omni bono, Amen.

Quomodo fieri istud? quoniam virum non cognosco, id est, non cognoscere propono. Luke 2.

Theorema XIV.

**O** Virgo amabilissima & pudicissima, gaude, quod tu omnium virginum preciæ, castitatis regina, Deo te consecrabis, perpetua virginitatis votum obtulisti: vel in hoc te cunctis constituis & exemplar virginitatis, & speculum sanctitatis. O quam odorifera haec virginalis castitas pudicissimi corporis, simul ac purissimi cordis tui in oculis Dei placuit: Quæ certè fuit tanta, vt non solum profunda cordium te aspicientum, aut tecum conuerfantium iradians penetraret, castioraq; redderet. verò metiam te licet virginem speciosissimam, prorsus omnibus resideret inconcupiscibilem.

*Pro castitate, Precatio.*

**P**Er hanc virginitatis tuæ, gloriam, obsecro te o Virgo singularissima, impetrabi mihi perfectam cordis & corporis castitatem, vt in cor meum nihil suscipiat immundum, nihil teneam vitiosum, super nulla tentatione quiescam: quin potius



QVINQVAGENA I. THEORIARVM.

castissima mentis puritate etiam omnia creata transiens, in solo condicore requiescam. O utinam tuis meritis & candidissima columba mihi donetur suprema illa castitas atque puritas mentis, qua Deum meum solum pure & simpliciter in omnibus queram, ipius solius honorem & beneplacitum intendam, propter ipsum cuncta faciam, omniaq; in ipsum referam, vt ipse sit mihi omnia in omnibus. O Virgo optima & dulcissima, utinam in hac vita adhuc constitutus, hunc statum mentis, quo mihi Deus sit omnia in omnibus, quantoctius per te obtineam a filio: quandoquidem tibi oranti ille nihil negans te honorat, Domina mea sancta Maria, Amen.

Gaudebit sponsus super sponsam, & gaudebit super te Deus tuus. Esaiæ LXII.

Ioseph fili David, noli timere accipere Mariam coniugem tuam. Quod enim in ea natum est, de Spiritu sancto est pariet autem filium, & vocabis nomen ei Iesum. Ipse enim saluum faciet populum suum a peccatis eorum. Matthæi I.

Theoria XV.

Noua spōla <sup>16.</sup> **O** Virgo integerrima & in æternum benedicta quæ virginis sanctissimo & iusto Ioseph despōnaris, gaudie quoniam candido flori, lily tu candidius, imò candidissimum sociaris, vt habeas qui tibi futuraq; proli tuae sit in obsequium, & integratatis tuae perpetuae testimonium, cum sine viro paritura sis Angelorum regem & dominum.

Pro amoris creaturarum suffocatione, Precatio.

**O** Utinam amorem omnem a Deo alienum, utinam omnem amorem ignoratum, & omnes affectiones vitiosas ac creatureles, castissimus, feruentissimusq; Dei amor in me occidat, meq; totum sibi Deus inseparabiliter possideat, & in beneplacitum suum conuertat, quo anima illi mea sponsa efficiatur fidelissima. Hoc tuis precebus mihi impetra, Domina mea dulcissima virgo Maria, Amen.

Orabat illa Dominum Deum Israel, vt aspiceret afflictionem populi sui. Iudic. IX.

Theoria XVI.

Orat. **B**enedicta sis a Domino virgo Deo deuotissima Maria, pro continuis suspirijs, & feruentissimis orationibus tuis, quæ ingenti charitate pro humani generis reparacione indefinenter Domino obtulisti. Siquidem patribus pro eadem te supra quinq; millia annorum clamantibus, neclum exauditis, oratio tua propter innocentissimam excellentissimamq; cordis tui puritatem, propter humilitatem Deo acceptissimam, propter charitatem denique æstaantissimam coelos penetrabat, & iram Dei placans atque adeo ipsum alliciens, gratiam & salutem omnibus impetravit.

Pro proximorum charitate, Precatio.

**I**mpera & mihi o reuerendissima mater perfectam charitatem, qua necessitatibus omnium atque defectibus condoleam, omnium salutem atque profectum ardentissimo desiderio fitiam, orando & laborando curem; de omnium consolatione gaudeam, nec me ipsum, sed in omnibus Deum queram.

In-



Ingressus Angelus ad eam dixit. Aue gratia plena, Dominus tecum. Benedicta tu in mulieribus, & benedictus fructus ventris tui. Ecce concipies in utero & paries filium, & vocabis nomen eius Iesum. Hic erit Magnus, & filius altissimi vocabitur. Lucæ I.

## Theoria XVII.

**O** piissima, & felicissima, & dulcissima virgo Maria, Dei mater electa, inter hominem & Deum mediatrix benedicta, quæ inter omnes virgines hanc obtinuit excellentiam, hanc singularitatē, hæc deniqꝫ præminentiam, te nimis rū quoqꝫ vt Dei fieres mater, electa eras, fecit dignū, vt pura ab omni peccato, sine macula, & omni gratia plena, vniuerso etiam mundo gratiæ inuenieris plenitudine. O felicem horam, qua summa Dei bonitas recordata misericordiæ suæ respiciens de sublimi habitatione sua, in hanc vallem plorationis & miseriæ, vidensqꝫ captivitatem & afflictionem populi sui, tacta est intrinsecus ardore charitatis, cogitans cogitationes pacis, & non afflictionis. Intuchs etiam te pulcherrimam filiam & omnium creaturarum singulare miraculum, cōcupiuit te sibi in matrem, quas uā altitudinem in nostræ moralitatis ergastulum inclinarer & nostrā gustando misericordiam, simul damnationem generalem absorberet, atqꝫ cœlestis vita: viam nobis sceleratis, suo viuendi exemplo monstraret. Pro qua re legatum ad te misit, qui sui consilij arcana tibi communicaret. O igitur Virgo singularis, inter omnes benedicta, iam virginis cordi tuo memoriam reduco illius felicissimæ horæ, qua te in cubiculum tuum duxotissimè cum lachrymis orante, subito Angelus è cœlo veniens, excellētissima te veneratione salutauit, & quod te gratiam plenam Deus sibi dignissimā in matrē elegisset, enīm qđ adhuc ipsum cōsensum expereret, nunciauit.

Pro deuotione & amore ad beatam Virginem Mariam, Precatio.

**O** vtinam in gratiam tuam, in amorem tuum ô dulcissima amatrix me suscias. O vtinam cor meum amoris vulnere perfodias, vt te semper cogitem, te salutem, te diligam, te sequar veneratione deuotissima, affectione castissima & imitatione fidelissima. Iesu Christe fili Dei, per omnes miserations te obtestor, & obsecro, impera matri tua, vt in curam suam & gratiam me suscipiat, me regat & dirigat, charitatem perfectissimam, & quicquid tibi placuerit mihi impetreret, mihi se donet, me sibi accipiat, faciatqꝫ suis apud te precibus, vt tibi semper placeam: sine vñ, hoc est, sine offensione tui vñam, inseparabiliterqꝫ tibi inhæream. Amen.

Maria turbata est in sermone Angeli, & cogitabat, qualis esset ista salutatio. Lucæ I.

## Theoria XVIII.

**A**dmoneo te ô virgo sacratissima illius profundiſſimæ humilitatis tuae, qua ad Angeli salutationem, qua ad laudis tuae præconium, virginali verecūdia Turbatur, fuisti turbata. Gloriosa quidem dicta sunt de te, cuitas Dei. Salutaris ab Angelo, gratia plena prædicaris, mater Dei expeteris, humani generis ad redemptions cooperatrix ascisseris. At nihil te horum elevar, sed voliter de te fentiens, omnium te adeò arbitraris indignam, vt etiam quod eiusmodi quippiam de te di-



catur, verecundia turberis. O sancta & admiranda humilitas, ad quam se merito inclinat celstudo cœlestis, quæ cum Deo & cognita, & maximè sis accepta, te ipsam tantum lates. Sed quid de ceteris virtutibus tuis ô Domina dicam? Certatum haec circa hanc tui salutationem erumpunt, & velis nolis tu, se nobis produnt, te commendant, nosq; ad tui veneracionem iuxta ac imitationem inuitant. Parat se fides ad assensum, charitas etiam desiderat ut mater fias omnipotentis, & salus, te consentiente, omnibus comparetur. Sed trepidat humilitas, verecundia turbatur, tante honore indignam, tanto officio imparem se æstimans. Sic pudicitia quoque immarcessibilis virginitatis vigilantisima custos metuit, (vtpotè lilyum cœleste) ne candoris aut odoris sui faciat iastruram. Postremò, pro omnibus verbum faciens, prudentia incomparabilis sciscitur: *Quomodo, inquietas, siet istud, quoniam virum non cognosco?*

*Pro propria vilitatis cognitione, Precatio.*

**E**ia beatissima Virgo, desiderabilissima, & quam post Deum amare cupit anima mea. Eia potentissima ad impetrandum, cui nihil negatur: Impetra mihi illuminationem cordis mei, ad verè cognoscendam & detestandam omnem prauitatem, vilitatem, & nihileitatem meam: ut ex animo meipsum despiciam, odiam, & ab omnibus despici, confundi, conculcari, & vilissimus reputari cupiam, & absq; illa perturbatione sustineam, & diligam. O mater piissima impetra mihi profundissimam humilitatem: obsecro te per omnem cordis tui pietatem, impetra mihi perfectam paupertatem spiritus, qua me ipsum, & omnia extra Deum cœtemnam, illi soli placere cupiam, illi soli placere gestiam. Ah misericordissime Iesu, audi quæso & exaudi me per humilitatem matris tuae. Amen.

Verbum caro factum est, & habitauit in nobis. Ioannis I.

Theoria XIX.

19.  
Concipit.

**G**audemus in beatissima omnium, dulcis, mitis & amabilis. Nihil est quod timeas, nihil unde turberis. Placet Deo tua humilitas, placet verecundia, placent virginitas, prudentia, fides, charitas, placent omnia: nec vñquā in te suit quod displiceret. Progrediatur obedientia ad consensem. Nullius virtutis patieris dispendium: quin etiam sanctitatis gradu excellentiori omnia Deo consecrabuntur. Plura & maiora à Deo recipies, tantum abest ut aliquid amittas. Humillima exaltaberis, quod suprema gloria est, in Dei matrem. Maius aliquid ribi Deus ipse prestare non posset. Verecunda mater es, sed erit tempus, quando omnibus quoq; creaturis imperatrix constitueris. Pudicitiam quam tantoper obseruare contendis, Angelica purior em tenebis, nec tamen secunditas aberit. Paries enim, at virgo. Nec vñcunque, aut vulgariter cuiuspiam mater es futura, sed altissimi. Nam quod nascetur ex te sanctum, voiabitur filius Dei. Spiritus enim sanctus superueniet in te, & virtus altissimi obumbrabit tibi.

O felicissima mulierum, o dignissima & ab æterno electa, o piissima & deuotissima virgo, quam ardens iunis illico desiderijs haec audiens, Dei promissa affectabas impleri: quam humillima cordis inclinatione consentiens dicebas: *Ecce ancilla Domini, fiat mihi secundum verbum tuum.* O templum Dei sanctissimum, quanta tum exultatio spiritus tui per omnia etiam corporis membra diffusa est! O quantitate in Deum mens tua, dulcedine absorpta est, quando castissimum vteri tui thalamum Deus ipse, qui te creauit, ingressus est! O quid in corde tuo sensisti? O quid iactefas-



te factum est? O quam digna subito effecta es, quando intra castissima viscera Deus receptor semetipsum exinaniendo factus homo est? O sancta & immaculata virginitas, quibus laudibus efferenda sis, nescio: quia quem cœli capere non possunt, tuo nunc continges gremio.

*Pro se in Dei beneplacitum oblatione, Precatio.*

**D**omine Deus meus, quid est hoc quod fecisti? Quantum te propter me humiliasti, uterum virginis ingrediens, & nostrâ infirmitatem assumens? Quid pro illâ charitate tibi rependam, aut quas pro tanto beneficio gratias agam? Eia offero meipsum totum tibi. En omnia corporis mei membra, omnes vires & medullas animæ meæ. Accipe ea quæ omnia, & posside iuxta beneplacitum tuum. Converte & expende omnia in laudem, in honorum & beneplacitura tuum. Omnia tibi seruant, omnia tibi placeant. Ex omnibus te laudem & magnificem, ex omnibus te diligam, qui es amabilis super omnia, dulcissime Domine Iesu Christe.

*Qui creauit me, requieuit in tabernaculo meo. Ecclesiast. XXIV.*

*Theoria XX.*

**O** Benedicta Dei mater intacta, mediatrix nostra & reconciliatrix post Chri-  
stum efficacissima. O salutis humanae exordium, via gratiæ, mater totius mi-  
sericordiæ, vas cœlestis gratiæ, radix sancta, ex qua germe viuiscum nostræ  
redemptionis est ortum, Dei templum, & arca in qua diuinitas (quæ nullo cœcludi-  
tur loco) ad tempus manet abscondita; elibanus cœlestis, in quo panis Angelorum,  
panis qui de cœlo descendit, coquitur.

Admoneo te nunc & benedicta inter mulieres, illius gaudij, illiusq; consolatio-  
nis, quibus nouem his mensibus exultabat spiritus tuus in Deo salutari tuo, quod  
fine labore sub virgineo corde in utero portasti. Admoneo te grandis huius my-  
sterii diuinæ incarnationis, qua Deus ipse factus est homo. Admoneo te admirabi-  
lis fecundationis tux, qua tu permanens virgo, facta es mater.

*Pro fidelitate & amore, ad Deimarem, Precatio.*

**P**er hæc omnia obsecro te & suauissima Domina, virgo singularis, mater ad-  
mirabilis, ut mihi peculiariter te dones in matræ, me adoptes in filium. Om-  
nium es mater generalis: quippe quæ mundo genuisti vitam & salutem, per  
quam factum est, ut Christum scilicet Dei filium in carne vocemus fratrem: sed ego te  
opto, cupio, & voris omnibus precor, ut eo magis digneris mihi mater esse singu-  
laris, quanto ego cura materna tua magis indignus sum. Suscipias me in amorem  
tuum, & in gratiam tuam: ita tecum agas, talem me facias, qui gratia & amore  
tuo dignus habear, & qui secundum pudicissimi cordis tui beneplacitum tibi &  
filio tuo sim acceptissimus. O dulcissima Domina, vulnera, accende, reple cor  
meum amore tui castissimo, ardorisissimo, fidelissimo, charitatem perfectissimam  
ad Deum & proximum. Portem te semper in corde meo, simq; semper acindelebi-  
liter scriptus in corde tuo. Exaudi me Domina, potes enim hæc: quia quicquid à fi-  
lio vis, imperrabis. Amen.

Exurgens Maria abiit in montana cum festinatione in ciuitatem Iudeæ, & intravit in domum Zachariae, & salutauit Elizabeth. Et factum est  
ut audiuist salutationem Matiae Elizabeth, exultauit infans in utero  
eius. *Lucæ I.*

Ad montana.

**Ez.** **O** Dei mater, Domina mea dulcissima virgo Maria, quanta est virginis cordis cui humilitas, quæ cùm Dei esses mater, quasi teipsum nesciens, non dedignata es teipsum humiliare, ac sterili cognata tuæ in ancillam offerre. Siquidem montana transiens festina, ut potè quæ in publico esse, aut ab hominibus palâ videri horrebas, ad cognatam Elizabeth properasti. Quia, per te humillime salutata, mox in eius utero infans exultauit, & regi suo, quem tu quoque in utero habebas, honorem deferre gestiens, sese erexit. O virgo plus quam Angelica, in cuius labijs tanta gratia diffusa est, ut ad vocem salutationis tuæ Ioannes in utero sanctificatus, Domini sui & sentiret, & exultando gratularetur adesse aduentum: Elizabeth quoque sancta Spiritu sancto repleretur ac prophetaret, teipsum ad iubilationis ac gratiarum actionis illud canticum: *Magnificat &c.* deuotissimum invitaret. O quale tunc gaudium fuit in domo Zachariæ, quanta puritas iubilantium, quanta sanctitas commorantium: ubi prophetæ mater cum matre salvatoris, sacra miscent colloquia, ubi maior seruit minori, ubi tu creaturarum omnium sanctissima gestans illum in utero, quem cœli tremunt & Angeli, quem omnis adorat Potestas, profundissima humilitate ad seruendum seni mulieri te deijscebas, atque domum hanc, ut orbem solis radius, tua præsentia illustrabas. Sed & hoc o dignissima sceminarum, quanto est præcocio extollendum, quod sub corde tuo nouem mensibus intra te Deum portans, miris, ineffabilibus, & quotidie nouis consolationibus replebaris?

*Pro simplicitate & puritate cordis, Preacio.*

**O** Utinam cor mundum & castum, cor purum & simplex à Domino mihi imponeres, quod sua Deus gratia implete, à terrenis ad montana, hoc est, cœlestia sustollat, sibi iuxta beneplacitum suum habitationem in illo iugem constituat, meq; pro omni voluntate sua in gloriam suam totum & conuertat, & posse deat. Amen.

Joseph cum esset vir iustus, & nollet eam traducere, cogitauit occultere dimittere eam. Matthæi I.

Theoria XXII.

22.  
Fauci.

**O** Domina reuerendissima, virgo Maria, non sine timore, non sine compunctione fuit cor tuum, quod virginem Joseph sponsum tuum in spiritu, cognoscens anxiū & turbatum. Quippe qui uterum tuum videns tumescere, quid cogitaret, quid ageret ignorabat. De pudicissima integritate tua suspicari non finebat illum perspicua sanctitas tua, conceptum negare prohibebat tumentis uteri imprægnatio manifesta, aliquid inde tibi loqui non finebat honestissima verecundia tua. Quare, quo se vir iustus verteret, quomodo famam tuam non traduceret, item ne quoque erraret, ne illicitum quid tentaret, ne denique aliquid non diffusus tam probareret, in ambiguo habebat. O virgo admirabilis & prudentissima. O puella miris & verecunda, cur non revelas mysterium: cur à timore non leuis castissimum sponsum? Nempè excusare nolebas, ne te laudares. Nolebas quoq; Dei areanum reuelando, autorem mysterij præuenire. Nolebas etiam antequam à viro es es interrogata respondere: sicq; idem omne hoc negotium Dño commisisti. Illi, cuius fuerat hoc opus, te excusandam, illi pro te respondentum reliquisti.

Eius



Eius in hac re consiliū & consolationem in silentio prætolanda decreuisti. Proinde, quia in illum sperasti, quia cogitatum tuum iactasti in illum, ipse te ab omni suspitione exemit, & sanctum Iosopk ab omni timore liberauit. Nam per Angelum diuitius de hoc mysterio edocetus, tametsi tuo se consortio indignum propere intelligeret, ne tamen te desereret iam prohibitus, & humillima tibi & officiosissima sedultate seruui, & castissima te deuotione dilexit.

*Pro sui relictione & in Deum confidentia, Precatio.*

**I**mpetra mihi ô benedicta mater misericordie, ut in omni ambiguitate, in omni aduersitate, ac paurore me Deo offeram & relinquam, omnem cogitatum meum in illum projiciam, fide constantissima atque perfectissima, illi confidentia intentis me credam: meq; eius prouidentiae & voluntati funditus subiectam, & in silentio eius beneplacitum expectans, cum omni gratiarum actione & laude, quicquid super me venire promiserit, illud de manu eius suscipiam, Amen.

Ascendit Ioseph in Iudæam cum Maria vxore sua prægnante. Luc. II.

*Theoria XXXIII.*

**O** Virgo omnium excellentissima, ô puella omnium speciosissima, ô mater <sup>23.</sup> omnium dignissima. Exi editum à Cesare Augusto, ut describeretur vniuersus <sup>Peregrina.</sup> orbis, quando tu sub corde tuo portabas eum, à quo cenditus est orbis. Itaque hunc gestans in utero, ut humano imperio tu mundi domina, cœlicę regina obediensissima pareres, cum sancto Ioseph sponso tuo puella pudicissima atq; tenerima, in Bethleem peregrina venisti. Vbi cum non inuenires hospitium pro te, (erat enim omnia mundanis & hominibus & rebus occupata, nec eum, quem tu gestabas in utero, capere poterant) tanquam exul & à mundo aliena cum immaculato sponso tuo in stabulum, & iuxta præsepe futura Deipara, diuertisti.

*Pro spiritu paupertate, Precatio.*

**P**ro hac obedientia tua, pro peregrinatione tua laboriosa, pro singulis passibus pedum ac gressuum tuorum, pro paupertate & loci vilitate, ô benedicta inter omnes mulieres, Deum tuum laudo, benedico, adoro, atque illi gratias ago. A quo ut mihi impetres per mysterium incarnationis eius, obsecro veram mihi dari perfectissimamq; paupertatem spiritus, ut quam nihil sum, nihil habeo, nihil possum, verè cognoscam: semperq; meam vilitatem attendam, ut peregrinus hic nihil de hoc mundo appetam, nec extra Deum meum sit, in quo consoler, aut quiescam. Amen.

Complēti sunt dies Mariæ, & peperit filium suum primogenitū. Lu. II.

*Theoria XXXIV.*

**O** Virgo sublimis & nimium venerabilis, admoneo te nunc noctis illius sanctissima, claro tunc lumine coruscantis, qua tu virgo candida, lumen æternum genuisti, habens gaudium matris cum honore virginitatis. Recordare nunc queso illius horæ, illiusq; gaudij, quod habuisti tunc, quando Dei filius in te homo factus, de virginali utero tuo, tanquam sponsus de thalamo processit: quando tu mudi enixa es saluatorem, quando verè facta es Dei genitrix, quando fine dolore facta es puerpera, quando denique eum te vidisti habere filium, quem habueras creatorum. O dignissima Dei mater, quid in illo partu gaudij, quid exultationis tua in Deum absorpta sensisti, quando subito parvulum, Dei filium, gratia & veritate plenum ex te editum, ante te iacere vidisti?



*Pro vite nouitate, puritate, innocentia & simplicitate, Precatio.*

**O**Hvtinam hæc natuitas, tam mea, quam totius mundi omnia nunc peccata deleat. Utinam me spiritu renasci, & quasi modo genitum infantem fieri, in nouitateq; vita, in innocentia & puritate, in simplicitate & castitate ambulare faciat. O Deus æterne, o pater misericordiarum, per hunc vnigenitum tuum, per eius sanctissimam natuitatem, per infantilia omnia eius membra, perq; eius dignissimam genetricem obsecro te, imple ac renova me gratia tua, fac vt totus semper & perfectissime tibi placeam, vt tibi sim filius æternæ adoptionis, qui habens ex meis iniquitatibus & sceleribus homo fui perditionis, Amen.

Inclinauit se, & adorauit regem. III, Regum I.

*Theorema XXV.*

**S**Alve nunc & perpetuo gaudie sancta parens, enixa puerpera regem, qui coelum terramq; regit in secula seculorum. Eamobrem felicissima es o sacratissima virgo Maria, & omni laude dignissima, quia ex te ortus est nobis sol iustitiae Christus Dominus Deus noster, spes, vita, salus & redemptio nostra. O quam profunda humilitate huic infantulo, simulq; eidem potentissimo ac immortali regi seculorum te inclinasti! O quanta deuotione & puritate illum es contemplata, quanta mox illum adorasti reverentia? O quanto desiderio, quanta pietate te eidem in obsequia ac officia materna parasti, cuius te matrem exuberantissimo gaudio cognouisti?

*Pro fidei, spei & charitatis incremento, Precatio.*

**O**Quis mihi det, vt & ego hunc supplex adorem, ne me sclera mea præpediant, no mea me ingratitude excludat, ne me vilitas ac prauitas mea nimia accedere non final? Eia ergo aduocata nostra clemens, dulcis & pia Maria, tuos misericordes oculos ad me quoq; conuerte, & Iesum benedictum fructum ventris tui non solum post hoc exilium, sed etiam in exilio nunc mihi ostende. Videam hunc, eundemq; adorem & diligam fide, spe & charitate immarcessibili, perpetua ac perfectissima, Amen.

*Adoratio supplex ad cum abula Iesu infartum.*

**A**Ve benignissime Dei vnigenite, fili virginis Mariæ. Ave gloria Angelorum, gaudium coeli, lxitia mudi. Ave Rex regum & Dominus dominantium. Quid retribuam Domino meo, pro omnibus que tribuit mihi? Quas gratias agam, aut quid refundam creatori meo, qui pro vilissimo hoc stercore, qui pro me in gratusimo peccatore dignatus est nasci de virginie? Eia Deus misericordissime, ad quid visum est tibi hunc vermiculum, videlicet miserum me hominem & peccatorem adeo diligere, vt humanam naturam, infirmitatesq; carnis, & formam serui assumere, ac in stabulo vili nasci, lachrymasq; vagiesudo pro me dignatus sis effundere? Neque enim minoris est beneficij, nec minus suauiter corda nostra hæc pietatis tuæ viscera reficiunt, quod tu Deus altissimus atque immensus, proper nos infantiles dignatus es miserias suscipere, vagire, linteis inuolui, & præsepio arctari: quam quod voluisti coelum & Angelos creare, aut ad diuinitatis tuæ ostensionem mortuosq; sacrificare.

*Pro vilitatis propria cognitione, humilitate & paupertate spiritus, Precatio.*

Eia



**E**la igitur Domine Deus meus te adoro, te laudo & benedico (quid enim aliud postum?) tibiq[ue] gratias ago, & obsecro te per viscera misericordiz tuæ, da mihi ut vilitatem meam, & quâm nihil sum ex abysso cordis mei perfectissimè cognoscam, profundissima humilitate me sub omnibus creaturis extimem, deprinam, subiijcam & postponam. In nulla re penitus me queram, cogitem aut intendam, totus à meis deficiam & desinam, te verò solum habeam ac possideam, te solum laudem & magnificem, te solum cogitem & desiderem, teq[ue] ex toto corde meo, ex omnibus medullis animæ meæ diligam, adorem & colam in omnibus & super omnia. Amen.

Beatus venter qui te portauit, & ybera quæ suxisti. Luc. XL.

Theoria XXVI.

**O** Virgo deuotissima, mater piissima, sancta Maria, quanto amoris incendio Lactat. cor tuum feruebat, quanta dulcedine rapiebatur, quando tenerimum hunc infantulum, eundemq[ue] Deum omnipotentem, cœlos regentem & in terris vagientem, Patri coæternum, & modo ex te virginea genitum, è terra leuabas: & inter virginea brachia amplexatum materno pectori astringebas, pannis illum inueluens, & deuotissima mellifluatq[ue] oscula eidem continuè imprimans. O quanto suavitatis affectu, quem virgo pepereras, etiam virgineo lacte de virgineo vberè tuo cœlius impleto paſcebas, eundemq[ue] vt liberius adorares in præſepè ante iumentorum ora (quia locus alius non aderat) ponebas.

Pro familiis, sitisq[ue], spiritualiis gratia, Precatio.

**E**la misericordissimo Iesu, quanta est dignatio tua erga nos dilectionis, qui propter nos suxisti virginea vbera matris. O panis & cibis Angelorum, quomodo factus es infans, qui fouearis lacte & ministerio hominum? Da mihi ut in hoc mundo nihil me afficiat, nihil mihi placeat, nihil me deleter, nisi tu. Te solum esuriam & sitiā, te solum concupiscam, tui amore ardeam, tui desiderio langeam, tui amore omni cōsolatione creaturarum renuntiem, omnemq[ue] præfuran & aduersitatē obvio corde amplectar, sustineam, & gratias agam, Amen.

Non potest mulier obliuisci infantem suum, ut non misereatur filio vteri sui. Esai. XLIX.

Theoria XXVII.

**O** Virgo pudicissima, compatiensissimaq[ue] mater, quis dignè exprimet, quis estimabit satis, quis expender cordis tui virginæ amore vulnerati dolorē? Condoluit. quādo pudicissimis oculis tuis, ijsq[ue] maternis, cœli regem, dominum maiestatis, prænimitia charitate pro peccatoribus ingratissimis, vique ad stabulum, vñq[ue] ad præſepè iumentorum contéplabis humiliatum? Cernebas eum qui mundum creauerat vniuersum, in præſepi ante iumentorum ora iacere, extrema paupertate, quam elegerat, affici, atque pro peccatis nostris, imò pro vniuersi generis humani miseria, charitate feruentissima compatiensissimaq[ue] vagire. Heu amoris simul ac compassionis lachrymas, quæ de virginea oculis tuis fluxere, dum mœror accedit mœrori, compassioni compassio. Siquidem eundem quem intuebaris parvulum, quem tenerum ex te sciebas paulò ante genitum, spiritu præuides aliquanto post tempore in cruce extendendum, membra eius delicta flagellis laceranda, manus infantiles duris clavis fodiendas, atque totum corpus in mortem tradendū.

Futurum, inquam sciebas & Dei genitrix, ut si qui vberum tuorum lac modo sugebat, aliquando fuso etiam sanguine, sitiens non esset habiturus pauxillum aquæ qua siti mederetur, dum in cruce pro nobis moreretur. Heu frigidum atq; durum cor meum, cur non lachrymaris? Nescis, quia planctus huius occasio tu, aut ignoras quod ærumnarum hara m omnium, quas sustinere habuit Dei & virginis unigenitus, causa fuisti?

*Pro gratia lachrymarum, contritionis & compassionis, Precatio.*

**O** Utinam piissima mater impetreris oculis meis lachrymas & cordi meo dolorem, quibus lugeam ex intimo animæ meæ, peccata mea; doleam ex toro corde, quodego, aut quæcumque alia creatura, Deum offenderit. Condoleam quoque compatiens tota mente omnibus æruminis filij tui, & membrorum eius. Plorem tui causa & dulcis Iesu, lachrymas amoris per diem & noctem pro desiderio tui. Langueat præ amore tui anima mea, quo omni consolationi terrenæ abrenunciem, te vero solum cogitem & desiderem, te solum mediter atque suspirem, Amen.

Ecce euangelizo vobis gaudium magnum, quod erit omni populo: quia natus est vobis hodie Saluator, qui est Christus Dominus in ciuitate David. Et hoc vobis signum: Inuenietis infantem pannis inuolutum, & positum in præsepio. Et subito facta est. Cum Angelo multitudine cœlestis exercitus, laudantium omnes & dicentium: Gloria in altissimis Deo, Lucæ II.

*Theoria XXVIII.*

**Congaudet.** **I**ntra hæc, & vesperandissima Dei mater, dum lactas infantem, dum contemplaris Deum, dum in præsepe ponis pannis inuolutum, Angelorum audis agmina presentium, regem suum salutantium adorantiumq;. Audis & benedicta cœlestis exercitus concentrum suauissimum, mundo gratulantis, atque Deo gloriam in excelsum, hominibus vero pacem in terra nuntiantis. Vides præterea pastores aduententes, & pro studiofa deuotione, quemadmodum ab Angelo fuerunt edocti, de infantie natoq; saluatore, interrogantes. Inter hæc quanta exultatione maternum virginatum cor tuum, & pulcherrima virginum replebarit, pro huius mysteri; salutifica revelatione, pro Dei veneratione, pro filij tui agnitione, proq; animarum, que inde sequebatur, salute: quibus omnibus piissima tu exuberantissima deuotione gratulabarit? O utinam laus filij tui, & utinam laus quoque tua de ore meo nunquam recedat. O utinam in Deo mens mea semper stabilita permaneat, semper gratias agat, Deo semper inauertibiliter inhæreat.

*Pro omnis proprie quæsitionis mortificatione, Precatio.*

**E**ta intentrix gratiæ, impetrat mihi hanc gratiam à filio tuo, ut omni tempore ac momento ipsum solum purè ac simpliciter quæram, ipsum solum intendam, atque in eius honorem & beneplacitum solum omnes vires animæ & corporis mei, omneq; tempus vita meæ conuertam, expendam & consumem. Non inueniatur quæso in me ullius inuidia locus, vel titillatio aliqua; sed omnium facta felicitati grātuler exanimō, atque congaudeam, Amen.

*Pro seruō spiritus in Dei obsequio, Precatio.*

ODO.



**O** Domine Iesu colende, adorande atque tremende, o sua uissime Iesu amande & prædicande, aufer à me acediam pro rorsus omnem, & da mihi feruorem castissimum, deuotissimum, ardentissimum atque discretum in omni seruicio tuo, qui nunquam deficiat, nunquam etiam tepestat, qui nihil negligat, sed in omne beneplacitum tuum obedientissime se effundat, Amen.

Porta hæc clausa erit, & non aperietur, quoniam Dominus Deus ingressus est per eam, Ezchielis XLIV.

## Theoria XXIX.

**O** Pudicissima mulierum, o virginum integrissima, o genitrix Dei. Tu Angelis Integra, <sup>29.</sup> lætitiam peperisti, tu mundo misericordiam genuisti, tu animarum redemtionem, peccati finem, virtutum autem, fontem gratiarum, salutis exordium, mortis destructionem, æternæ vitae reparationem mundo intulisti. Tu virgo intacta, tu mater inuolata, tu ante partum, in partu & post partum virgo incorrupta permanisti. Liceret enim facie esse venustissima, & supra omnes mulieres pulchritudine grata, hanc tamen tibi gratiam indidit Deus, ut nullius viri concupiscentiam tua pulchritudo irritaret: sed corda potius omnium te intuentium, pudicissima castitatis tuæ virtus castiora redderet. Quapropter Joseph non solum non te carnaliter concupinuit, sed etiam per te castior fuit.

O igitur liliorum castissimorum, o rosarum charitate fragrantium, o virginum Deum amantium Mariæ ac Joseph castissimum matrimonium, o pudicissimam atque vernantem morum honestatem, sanctissimam cohabitationem, sincerissimam dilectionem, o corda Dei amore ardentia, o corda Spiritu sancto plena, o corpora Spiritus sancti organa, atque in Dei ministerium sanctificata, admoneo vos suauissimæ illius cohabitationis vestræ, mutuali dilectionis, qua in omni vita vestra alterutrum vos honore præuenitis, atque Dei filio Christo Iesu immaculati adhæsistis.

## Pro mentis &amp; corporis castitate, Precatio.

**D**ulcis Maria, dulcis Joseph, Dei parentum nominibus honorati, atque ante mundi constitutionem ad hunc honorem, ad hoc officium præelecti, precibus ac meritis vestris impetrare mihi à Deo, ut omnis amor non diuinus in me radicatus moriatur: quo Deum meum solum ex toto corde meo diligam, in omnibus & super omnia. O vernantes gemmæ, violæ, castissimæ, impetrare sensibus meis, atque vniuerso & corpori & animæ perfectissimam integratatem, integrissimam castitatem, puritatemq; mentis simplicissimam, ut præter Deum meum nil me afficiat, nil delectet, Amen.

Hoc est pactum meum quod obseruabitis inter me & vos, & semen tuum post te. Circuncideretur ex vobis omne masculinum, & circuncideretur carnem præputij vestri, & sit in signum foederis inter me & vos. Infans octo dierum circuncideretur in vobis. Genesis XVII.

Postquam consummati sunt dies octo, ut circuncideretur puer, vocatum est nomen eius Iesus, Luca II.



30.  
Scindunt.

**O** Angelorum gloria, ô lætitia mundi, ô puer innocentissime, quid fecisti, vt  
peccati originalis remedium, cùm sis à peccato immunis reciperes? O Dei &  
Virginis fili, agne mansuetissime, quâta nos charitate dilexisti, vt quasi pec-  
cator legi subiici, dolore maximo circuncidi, sanguinem infantilem pro nobis fundere,  
nos in eo abluere, & eundem Patri dignareris pro nobis offere? O sanguinem  
saluificum, omnia peccata nostra delentem. O vtinam in eo lauari mereatur  
anima mea. Vrûm bone Iesu, quod nomen illud saluificum, nomen mellifluum,  
nomen suauissimum, nomen potentissimum, nomen quod tibi ab æterno impos-  
sum est, mundo etiam notum fieri, atq; te Iesu nominari voluisti, quantam no-  
bis peccatoris spem venia, quantam fiduciam accedendi ad thronum gratiæ, pie  
Iesu, hoc ipso nomine tuo miseris præbuisti? Quid enim aliud agebas vocari vo-  
lens Iesu, id est, salvator, quam vt vel in primo ingressu tuo in mundum, atque ad-  
eò in ipso nomine tuo ostenderes nobis benignitatem tuam, qua ad pœnitentia-  
tiam nos adduceres, esse copiosam, infinitam, atque tibi ab æterno congenitam?  
Cæterum, dum videt te, pie Iesu, pia mater circuncidi, dum videt te roseo tuo san-  
guine tingi, sentit ipsa quoque in corde suo se tecum vulnerari, & cum paciente  
patitur. Plangit nostra vulnera, pro quibus adeò necesse erat filium innocentissi-  
mum vulnerari.

*Pro mystica circuncisione diuiniq; nominis veneratione, Precatio.*

**P**ro hac sanguinis tui effusione, pro tuo matrisq; dolore, dulcis Iesu, adoro te  
& gratias tibi ago, te orans toto corde & viribns, vt à me proscindas tollasq;  
omnia qua tibi displicet in me, vt cor meum purifiques & cunctis vitijs, passio-  
nibus affectionisq; inordinatis, & nomen tuum nominisq; tui formam, vitam  
atque virtutem cordi meo imprimas, atq; adeò indelebiliter inscribas, vt quocunq;  
me vertam, quicquid agam, nihil aliud videam, nihil sentiam, nihil sciām, nisi te  
Iesum menim, & hunc pro me crucifixum, proq; me vulneratum, Amen.

Cum natus esset Iesus in Bethleem Iudæ, Magi ab oriente venerunt  
Hierosolymam, dicentes: Vbi est qui natus est rex Iudæorum? Et in-  
trantes domum, inuenerunt puerum cum Maria matrem eius: & proci-  
dentes adorauerunt eum: & obtulerunt ei munera, Aurum, Thus &  
Myrrham. Matthæi II.

Theoria XXXI.

31.  
Tres veniunt.

**O** Rex gloriæ Christe Iesu, quam inuestigabilis est sapientia tua profunditas,  
quam admirabilis bonitas, qui à remouis regionibus reges & sapientes per-  
ea, per quæ possent moneri ac trahi, vocasti: atq; vt primitiæ fieret gentium  
in fide, tui notitiam illis infudisti. Siquidem iij ab Oriente Magi venerunt Iero-  
solyam fide pleni, atque ab omni alieni metu, quærentes te natum regem Iudæo-  
rum. Quem vbi stella duce inuenerunt, procidentes te adorauerunt, obtuleruntq;  
tibi munera, Aurum, Thus & Myrrham: nihil stabili vilitate, nihil infantia tua,  
nihil denique matris paupertate scandalizati. Nam & tu quoque non in alio ap-  
paratu à regibus, quam à pastoribus inueniri voluisti: quippe, qui non temporalis-  
bus diuitijs, sed paupertate humilitateq; esse solebas gloriosus.

Pre



*Pro mysticorum munierum oblatione, Precatio.*

**D**elicissime Iesu, aufer à me cor lapideum, cor frigidum & cæcum, & dà mihi  
cor secundum cor tuum, quod aurum tibi semper rutilantisimæ charitatis,  
thus castissimæ deuotionis, myrramq; perfectissimæ mortificationis of-  
ferat Ecce cum tribus his Regibus adoro te benigne Iesu, & me totum quod sum,  
quod habeo, quodq; possum tibi offero, ac tibi resigno. Converte illud & me to-  
tum in laudem & gloriam tuam, iuxta benepacitum tuum. Amen.

Postquam impleti sunt dies purgationis Mariae secundum legem Mosi,  
tulerunt puerum Iesum in Hierusalem, vt sisterent eum Domino,  
sicut scriptum est in lege Domini: quia omne masculinum ada-  
periens vuluam, sanctum Domino vocabitur. Luca secundo.

*Theoria XXXII.*

**H**ec quid gratiarum actionis tibi nunc repandam dulcis & amabilis Iesu,  
quod Deus ipse tu & Dei filius, dux & legifer noster, legalibus te statutis pro- sistunt.  
pter nos voluisti subiucere, quod veluti peccator & Adæ filius in templum  
fisti, quod velut immundus expiari, quod Patri tuo ipse hostia & oblatio offerri,  
quod denique hostia pauperum voluisti redimi? Fecisti utique hoc ad exhibitionem  
humilitatis, ad commendationemq; paupertatis, licet dominus sis omnium ac di-  
ues, sed propter nos duntaxat adeò factus es pauper & egenus. O stupenda dignatio,  
o humilitas admiranda. Tu Domine rex cœli & terræ, tu Dominus vniuersorum,  
tu creator omnium humiliaris. Nunquid ego posthac homuncio, nunquid ego ver-  
miculus & puluis inflabor? Absit hoc Domine à vermiculo tuo: Prohibe hoc tu tua  
potentissima virtute, & non sinas superbiæ aut vanitatis spiritum vel tenuissimum  
in cor meum intrare, sed doce me ex te semper esse mitem & humilem corde.

Sed & tuæ humilitatis exemplar o benedicta inter mulieres, o virginum omniū  
pudicissima integerrimataq;, fac lucere in corde meo semper, quod tu cùm sis inno-  
centissima, atq; ab omni labe aliena, vtputa Dei mater, cùm sis Dei templum atq; sa-  
crae in uiolatum, cùm sis rosa immaculata, atq; lilyum candidissimum, cùm ni-  
hil fuerit in te purificandum, volebas tamen vtrq; suscipere purificationis reme-  
diū, & veluti immundam, ac vnam ex reliquis mulieribus te haberi, quan-  
doquidem nullo volebas gaudere priuilegio, nulla vti præminentia singularita-  
tis.

*Pro sui cognitione, veraq; humilitate, Precatio.*

**O** humillima virgo, humilis Iesu mater, per hanc humilitatem tuam te oro at-  
q; obtestor, impetra mihi profundissima humilitatis perfectionem, vt om-  
nem nihil itatem ac vilitatem cognoscam, vt inter infimos me inferiorem  
sistam, vt peccatorum atq; adeò omnium creaturarum nouissimum & ingratissi-  
mum me ex animo sentiam. Nunquam concupiscam vel aliqui hominum placere,  
nusquam nominari, nunquam honorari vel tenuissimo motu cordis appetam: sed  
potius ab omnibus cupiam, diligam & gaudeam despici, negligi atq; cofutari. Chri-  
ste Iesu, per humilitatem tuam, imò per maiestatem tuam te obsecro, atq; quatenus  
licet cum reverenter tuam misericordiam lachrymans adiuvio, vt des mihi veram,  
profundissimam, ubiq; acceptissimam humilitatem, qua cum sancto odio ac di-  
bb splicen-



Splientia meam vilitatem cognoscam, omnia probra & consuitia feruentur fitienterq; suscipiam, & odientes ac contemnentes me amore suauissimo sincerissimoq; diligam, tuam præsentiam humiliter, reuerenter, suauiterq; cum deuotissima ac o-  
mni veneratione semper & ubiq; sentiam, Amen.

Ecce Dominus ascendit super nubem leuem, & ingredietur Aegyptum,  
& mouebuntur simulachra Aegypti à facie eius, & cor Aegypti ta-  
bescet in medio eius. Esaiæ XIX.

Angelus Domini apparuit in somnis Ioseph dicens: Surge & accipe pu-  
erum & matrem eius, & fuge in Aegyptum, Math. II.

Theoria XXXIII.

<sup>33.</sup>  
Fugiunt.

**S**uscipimus & Deus, & Pater misericordiarum, suscipimus nunc misericordiam  
tuam in medio templi tui: cui & senes iusti, Simeon Annaq; prophetantes ec-  
carrerunt. Cognouimus reuerà, quod venit ad nos dominator quem quæsiui-  
mus, & quem voluimus, Angelus testamenti: Venit lumen nostrum, quod expecta-  
banus in tenebris. Senfit hoc Simeon sanctus dum te Christe Iesu inter vlnas am-  
plexatum cordi suo astringeret, & arcانum diuinumq; (nescio quid) tunc sentiens  
exclamaret: Nunc dimitti seruum tuum Domine, secundum verbum tuum in pace. Et nos  
tibi salvator noster omnes occurrimus, clamantes: Aduenisti desiderabilis redem-  
ptor noster, aduenisti. Verum quo honore, qua exultatione, quâto feruore charita-  
tis nunc dignus es recipi? Et tamen non solum non honorat, verum etiam contrate  
mox natum, mox mundum ingredientem armatur mundus. Sævit enim Herodes,  
& trucidare te quægit infantem. Persequitur, deturbat hospitio, fugat in exilium:  
& quia tibi meditatus fuerat ignoto mortem, dum cunctos suspectos habet infan-  
tes, interficit omnes. Verum, quos ille dum te quærerit in mundo trucidat, hos tu in  
celo coronas. Tu quoq; interea in Aegyptum fugiendo, cum aliter possis, humano  
te consilio seruas. Benignissime Iesu, tanto tempore à patribus desideratus, tot expe-  
ctatus gemitibus, vix tandem aduenisti, & tamen mox natus pulsus es in exilium:  
fugis à facie regis iniqui, adhuc matris vbera fugens. Et ne dissimilis esst patribus,  
qui paruo numero introierunt in Aegyptum, aduenisti esse voluisti & peregrinus, si-  
cuit omnes patres tui. Voluisti præterea congenera matris infantiaz tuaz laboribus,  
& itineris incommodis fatigari. Quid dicam? Heu tenerrima virgo, heu noua, sed  
desolata mater: quanta tristitia, quanto moere circumfusum est cor tuum, cum  
media nocte iussa fueris in exilium fugere, cum tibi diceretur futurum esse ut Her-  
odes quærat puerum ad perendum cum? Quid in corde tuo seruisti, quod talis puer  
qui tam misericorditer in mundum venerat & recenter ex te fuerat natus, tam cru-  
eliter confestimq; ad mortem quæreretur?

Pro resignatione & patientia inter queuis aduersa, Precatio.

**O** Si in corde meo videam, & utinam sentiam intus in anima, quomodo tu ele-  
gantissimæ formæ, virgo amabilis, quomodo tu piissima mater, quomodo  
cum tenero filio præ filijs hominum specioso, in nocte fugiens, & virginem  
sponsa comitata, quo nesciebas, ibas. Eia suauissima mater, eia benignissime fili,  
facite me nunc derelictionem omnem, omnem desolationem, omnemq; persequicio-  
nem & aduersitatē patientissimo, mitissimo ac resignatissimo corde sustinere, nusquā  
inter



inter quæcunq; molesta, præterquam ad tē & ad filium tuum fugere, & inter quo-  
cumq; euentus, in omni quoq; tentatione & ambiguitate vobis me plena fide & se-  
curitate committere, Amen.

Fuge in Aegyptum, & csto ibi, vsque dum dicam tibi. Matth. 2.

Theoria XXXIV.

**B**enedico, tecq; adoro piissimū me Iesu, pro peregrinatione laboriosa in Aegyptum, Exul.<sup>34.</sup>  
quo matrem tuam Mariam ac Ioseph nutricium multa solicitude, mœstitia,  
& compassione fatigari voluisti. Sed & tu o regina mundi, nulla pedissequarū, an-  
cillarumve obsequio comitata, nullo fulta auxilio, nutritis simul & gerulae officia  
obibas. Vinebas domi residens, & lecreta diligens silentia, in alieno folo manebas i-  
gnota, nisi quod, quam pudicitia domi abscondit, fama virtutum tuarum ubiq; te  
loquebatur. Ominus sceminarum te esse eximiā, honestas tua ( licet celare vo-  
lentem ) manifestabat. Nunquam tibi ante hac similem visam in Aegypto testaban-  
tur omnes. Quippe quæ omnes superabas mulieres speciei pulchritudine, morū ele-  
gantia, virtutibus, honestate, pudicitia, modestia, integritate, humilitate & gratia.  
Inter hæc licet cunctis desideratissima, ab omni tamen colligatione aut familiariri-  
tate sceminea mansisti libera ac aliena, orationi, ac manuū labori tantum vacas:  
quo in magna victus parcimonia, in sobrietate, in omni deniq; rerum penuria cum  
sponso suauissimo atq; castissimo, domui necessaria prouides. O suauissimam de-  
uotissimamq; horum cohabitantium honestatem. O altissimam regis cœliq; regi-  
na paupertatem. O in exilio peregre viuentium solitudinem & deuotionem.

Pro spiritali obliuione & morte, Precatio.

**C**ompungerē hic o anima mea, compungere, & disce nihil terrenum concipi-  
scere Disce mundi incolatum, exilium esse. Disce fauorem popularem, hono-  
rem, & omnem mundi gloriam somnia esse. Disce, & quibus potes gemitibus  
ad Iesu & Mariae cohabitationem suspira. Verū, quid meum est studium, meum  
ve desiderium o Iesu amantisime, nisi dederis tu quod doces habendum? Quare per  
tuam infantilem modestiam, & per diuinæ maiestatis potentiam te obsecro, fac me  
omnium rerum pereuntium, atq; meipius penitus obliuisci. Fac me mundo, vni-  
uersisq; eius cōcupiscentijs ac vitijs funditus mori, fac me hic sicut in exilio tibi foli  
viuere, & ad te, sicut ceruum ad fontes aquarum, feruentissimo semper amore suspi-  
rare, Amen.

Et Iesus erat subditus illis, Lucæ secundo.

Esuriui & non dedistis mihi manducare. Mathei vigesimo quinto.

Theoria XXXV.

**O** Altitudo diuitiarum sapientiæ Dei. O profunditas iudiciorum eius. O quam  
inuestigabile consiliū tuū Deus, quod in hoc mundo ( cum tui foret arbitrij <sup>55.</sup> Pia nutriti-  
vbi, quando, & è quibus velles nasci ) elegisti parentes pauperes, qui manuum  
te suarum labore nutrirent, manibusq; operando victui suo pariter & tuo necessa-  
ria conquerirent. Sed quibus laudibus extollam nescio virum illum dignissimum,  
virum vnum ex millies millibus propterea electum ( Ioseph loquor ) qui tibi sal-  
uatori suo panem manibus operando lucraretur, qui virginis tuæ matri, vrpote  
bb 2 testis

testis & custos eius virginitatis, tanquam vir & sponsus vita necessaria prouideret? Itaque tui parentes manibus operabantur: sanctus quidem Joseph nutricius pater & faber lignarius in sua arte: mater vero tua texendo, nendo, suendoloq; victum quarebant. Et quid tu interea o puer suauissime? Quid parentibus operantibus faciebas amantisime Iesu? quid suauissime virginis nate agebas? Num otiosus fuisti? Non fuisti otiosus, sed utriq; parenti, quae per aetatem licebant, puer optimus inseruendo necessaria adferas. Quid enim prohibet de te cogitare, quod ad honestissima quæque matri inseruēris? putat, aquam, ligna, aliaq; eiusmodi apportando, porrigitendo: aquam quoq; manibus eius infundendo ut pietate & compassione plenus, parentum tuorum laborem cooperando inseruendoq; alleuare? Nec temeritatis aut superbiae fuerit p̄fissime Iesu, quod tui parentes, a te (Deo videlicet vniuersorum) hæc obsequia acceperint, sed potius obedientiaz, ad quam intus illuminati ac moti sapiebant, quod voluisti sic agere, ut impleres omnem iustitiam: quare eorum humilitas quoque non parum proficiens inde merebatur, quod obediētes tuz dispositioni huiusmodi admittebant.

*Pro paupertate spiritus & discretione, Precatio.*

**B**enignissime igitur Iesu, da mihi amorem paupertatis, ut modicissima mihi sufficiant, & curiosa, vana, superfluaq; omnia execrabis abieciam: corpus meum sobrie discreteq; nutram: pro virtutibus, pro cordis puritate, pro charitate, pro tuo honore, pro tuo beneplacito, omnes vires meas infatigabiliter expendam. Amen.

Defuncto Herode accepit Joseph puerum & matrem eius, & rediit in terram Israël. Math. II.

*Theoria XXXVI.*

15.  
Hinc eredit.

**B**enignissime Iesu, pro reditu illo tuo ex Aegipto laborioso in ciuitatem Nazareth, quo non sine metu parentum propter Archilaum regnantes in Iudea, puer iam septennis diuertisti, propter illa sociali, sed honestissima cohabitatio ne, pro suauissima conuersatione, qua innocenter obedienterq; cum parentibus vivisti, benedico te, & gratias tibi ago.

*Pro eradicatione omnis amoris priuati, Precatio.*

**R**ogo autem te piissime Iesu, fac ut amor mundi, priuatus amor, omnisq; a mor, qui non est ex te, aut in te, perfectè in me moriantur, ut citra omnem elestionem propriæ voluntatis, hoc solum, hoc continuè desiderem, hoc ve lim, hoc quæram, hoc intendam, quod tibi maximè est beneplacitum, & quod est ad honorem & gloriam nominis tui: de me vero omnem solicitudinem, omnemq; cogitatum, confidentia perfectissima, in te projiciam. O si aliquando per tuam gratiam ad innocentiaz statum, & ad perfectionis redire merear integratam, Amen.

Cum factus esset Jesus annorum duodecim, ascendentibus illis in Ierosolymam secundum consuetudinem diei festi, consummatisque diebus cum redirent, remansit puer Jesus in Hierusalem & non cognoverunt parentes. Existimantes autem illum esse in comitatu, vene runt iter diei, & requirebant eum inter cognatos & notos. Lucae II.

*Theoria*



## Theoria XXXVII.

**O** Mitissime benignissime Christe Iesu, quanta fuit humilitas, quanta obedientia, <sup>37.</sup> Ad festum  
quanta duciē deuotio, quod puer duodeunis Ierosolymitanum voluisti a-  
dire templum, obediens legi, festiuitati seruiens, & Patriis honorem zelans?  
Nec satis tibi erat ascendisse in templum, nisi & ceteris redeuntribus, ibi tu solus in  
templo remansis, doctores audiens atque interrogans, id est tanta sapientia tua ex-  
uberantia, tanta humilitate, ut pro magnitudine huius tuarum scientiarum, omnes partiu-  
lam stuparent etatem, & in etate tenera tam grandem admirarentur scientiam. In-  
tuebantur præterea cum stupore in te pueri mores compositos, eloquii suavitatem,  
dulcedinem vultus, prudentiamq; matritatem, verborum denique profunditatem, &  
amplitudinem sapientiae audientes, attoniti quid dicerent nesciebant.

*Pro diligentia, reverentia sitque diuini honoris, Precatio.*

**E** Ia misericordissime Iesu, omnem acediam, omnem reporem ac negligentiam  
depeile a corde meo, ut honorem tuum ac cultum feruentissime sicutiam, pro-  
moueam, atque me totum pro illo expendam. Fac me dulcis Iesu, in meipso, &  
in omnibus hominibus irreuerentiam tui medullitus execrari, & tuam ubique præ-  
sentiam cum intima ac suprema reverentia venerari. Ah utinam anima mea nulla  
sit peregrina consolatio iucunda, sed de tua iugi præsentia sit ei festiuitas exultatio-  
ne sempererna, Amen.

Requirebant eum inter cognatos & notos: & non inuenientes regressū  
sunt in Ierosolymam Lucæ II.

## Theoria XXXVIII.

**O** Virgo omnium reuerendissima, quis moeror virgineum maternumq; cor  
tuum obfedit, cum ex Ierosolyma rediens, non habuisti tecum, neque cum lo- <sup>37.</sup> Quæsunt.  
seph repperisti Iesum filium tuum? Amferas lumen oculorum tuorum, a-  
miseras in quo habebas omnia, nec vbi querendas esset sciebas. Quamobrem anxia  
eras mater pro filio: siquidem modica eius absentia, longa tibi nimis videbatur.  
Redendum tamen modis omnibus in Ierusalem tibi videbatur, & votis omnibus  
querendas, qui tibi vita erat charior. Et quamuis pudicitia tuae insolitum esset  
videri in publico, aut extra domum morari, fortior tamen erat ut mors dilectio,  
qua ad non quiescendum vigebat, donec amissum recuperares thesaurum, præser-  
tim quando & Iesum querere, non solum non erat pudicitia feminæ contrarium:  
sed summa etiam pietas, sanctimonia & religio. Siquidem omnia hic tibi erat filius.  
Nemp̄ amor, desiderium, solamen, sollicitudo, quietus, contemplatio, beatitu-  
do. Quare hoc amissio, amississe te sciebas omnia. Itaque una cum patre eius nutritio  
per triduum illum quæsisti. Inuentumq; in templo, licet quasi arguere videbaris  
materna autoritate, reuerata tamen magis admirabar, sciscitans, quo pacto desolata  
te matrem adeo amantem, adeo pro se anxiam reliquerit, adeoq; sua contristauerit  
absentia. Dicebas enim illi: Fili, quid fecisti nobis? Nihil cordi tuo suauius ò deuo-  
tissima feminarum, nihil affectuosius, nihil denique fuit quod amorem, quod ex-  
ultationem spiritus, quod postremò citius tibi mentis parare excessum, quam eum  
nominare agnosceret filium, qui vniuersorum est Deus. Itaque licet maximè omniū

bb 3 illum

illum amates, nequaquam tamen ut cæteræ matres assolent, quæ amore feruent in filios, illum blanditijs, gestibusve amatorijs, sed humilitate profundissima, reuerendissimæ deuotione tractabas. Ita enim eius te sciebas matrem, ut simul profitereris ancillam. Nec aliquid materna autoritate præsumebas, quod vel virginea dedecuissest humilitatem, vel diuinam non reuereri videretur maiestatem. Cæterū, tu dulcissime Iesu, hoc tuo exemplo, quod ignorantibus parentibus in templo manebas, quid aliud docere voluisti, quam parentes haudquaquam nimirum, sed ita post te amandos, ut licet illis compassio siue amor debeat, præterendū tamē perfectionis amorē, pariter ac studiū. Ideo namq; latenter voluisti manere in templo, ne ad perfectionē seständā, putaremus parentiū consensum necessario requirendum.

Verū, ut ad me redeam, Iesu misericordissime, tu scis quam toties à te recedo, quoties te mitto. Heu me miserum, qui sine te nihil sum, qui cibus sum vermium, & sine gratia tua sum esca inferni. Da mihi ut reuertar ad te. Da ut quæram te corde humiliato, corde perfecto, corde toto, & super omnia maximè contrito.

*Pro lachrymis diuinis, amoris Languore, Precatio.*

**D**a pie Iesu mihi lachrymas contritionis & deuotionis, quibus curram post te die ac nocte. Da ut tui amore, tuiq; desiderio totus languem. O morbum felicem, dulcis Iesu, præ amore tui languere. Iterum rogo, da ut tui amore languem. Non requiescam donec te inueniam, donec inseparabiliter, donec inauertibiliter te possideam, Amen.

Fili quid fecisti nobis sic? Ecce Pater tuus & ego dolentes quærebamus te. Et descendit cum eis, & erat subditus illis, Luca II.

*Theoria XXXIX.*

**O**ctetra sapientia Patris, Christe Iesu, qui amore ingenti Patris tui honorem zelans, puer adhuc duodenni magistros peritosq; legis ædificare, sapientiæ tuam illos experiri voluisti. Interrogabas eos, eisdemq; respondebas, quo scientiam illis absq; illorum rubore infunderes. Propterea enim solus per hoc triduum mansisti in Hierusalem. Sed quid hoc triduo ò puer mansuetissime edebas? Quis interim tibi ministrait? Quo deniq; ibas cubatum? Pauper certe eras & ignotus, nec pro teipso aliquando te vsum comperimus potestate diuina, qua tibi miraculo, aut aliter quam consuetudine humana prouideres. Supereft igitur, ut cogitem te hoc triduo mendicasse, quo reficereris, quoniam neque pecuniam, neq; aliud tibi proprium possidebas. In omnibus nos piissime magister, docere voluisti, & verbo & exemplo, quam contemnendus sit mundus, quam relinquenda omnia, quanta deniq; fiducta in te sperandum. Porro, mater tua cum te inuenerat, cum tu quoq; illi admiranti in his quæ erant Patris tui, te esse oportere, responderas, quid fecisti? Descendebas, cum ijsdem parentibus, & eras subditus illis: Iterū docens me quomodo esse debeat humilis & mitis corde. Eras illis subditus, participando eorum labore, sollicitudini & paupertati. O obedientiam stupendam & admirabilem, quod relata voluntate propria omnino bona, ut pote quæ Patris voluntati erat consentanea, subieciisti te parentum voluntati, obsequio, & filialis obedientiæ officio sancto.

*Pro humilitate, obedientia nuditate q; spiritus, Precatio.*

39.  
Parcasque.

Eia



**E**la dulcissime Iesu pro hac humilitate, & pro hac obedientia tua te adorans, laudo & benedico, gratiasq; tibi agens, per mansuetudinem cordis cui obsecro, expelle radicem ex corde meo omnem præsumptionem, omnem elationem, omnem reputationem propriam atque adeo quodcumq; vitium quod ex superbia aut vanagloria potest oriri. Mortifica quæslo radicem in me vniuersam pestem superbie & inanis gloriae, priuatum item amoré omnem, cum vitiis quibuslibet inde nascētibus, & da mihi perfectissimam abnegationem meipsum, atq; plenissimam propriæ questionis, atq; omnium vitorum mortificationem, ut absq; vlo respectu ad meipsum, veluti mei & omnium oblitus, veluti mundo perfectè mortuus, te solū & quæ tibi sunt placita concupiscam, queram & intendam, te solum cogitem & desiderem, te solū scia, & in omnibus, ac super omnia, ex omnibus medullis meis diligam. Vide misericordissime Iesu, vide cōpatientissime Iesu, omnes miseras meas, virtutem meam, ingratitudines & contumelias, quibus te quotidie offendō. Vide & misere, & fac ut in conspectu tuo lachrymis continuis intentissime contritionis me laue, & amoris tui gemitibus ac suspirijs ignitis ac insufficiens tibi inhærendo, torus deinceps, semperq; & perfectissimè placeam. Non sit in me aliquid proprium, sed tua solius omnia, tibiq; adeo subiecta, adeoq; vnta, ut nec velle nec posse habeā proprium, præter tuā voluntatē, pro cuius amore etiā omni me creaturæ subiectā, suscipiens omnia quæ mihi eveniunt de manu sempiterna benevolentissimæq; prouidentiæ tuæ, cum plena fide & subiectione, cū amantissima fiducia, cum perfectissima resignatione, cum denotissima continuaq; gratiarum actione, Amen.

Pauper sum ego, & in laboribus à iuuentute mea. Psalmo 87.

Dies & noctes laboriosas enumeraui mihi. Si dormiero, dicam: Quando consurgam & rursus expectabo vesperam. Job septimo.

Filius hominis non venit ministrari, sed ministrare, & dare animam suam redemtionem pro multis. Math. 20.

#### Theoria XL.

**I**ntra miracula tua, piissime Iesu, nunquid non hoc quoq; computandum est, quod post duodecimum annum usque ad tricesimum, cum parentibus mundo incognitus atque absensus latere voluisti, nec ante præfinitum tempus statutæ matutinatis, ædificationi animarum ac prædicationi, ad quam ferventissimo zelo anhelabas, intendere, licet etiam in hoc silentio tuo maximè humilitatem prædicas: Docebas enim nos omnes, quam debeamus propriæ saluti inuigilare, nos non ingerere, quantum in nobis est, mundo esse ignotos, & velle latere. Habitabas itaq; cum parentibus adolescens, etiam iam grandior effectus: nec dubium quin parentum laboribus atque paupertati te participem præberes. Laborabas cum laborantibus, ut & actiua vita exempla monstrares, & quam compassio corde onere hoc laborum parentes pios leuare cuperes ostenderes. Quid ni enim parentibus pietatis officium, nobis verò exemplum in collaborando monstrares, qui etiam omnium peccatorum onera solus portare, solus pro illis satisfacere veneras? Atq; eam ob rem te vocabant homines fabrum, illiteratumq;: & quia cum Ioseph nutritio, operantem te viderant, vocabant fabri filium, quia ex Ioseph natum erat.

bb 4 Dulcis

Dulcis Iesu, quanta longanimitas charitatis expectationisq; ad operandam salutem nostram in medio terra, quanta humilitas, nihil ostentare diuinitatis in publico, domi latere, & cum parentibus pauperibus panem lucrando manibus operari? Quanta parentum fides, qui licet te succendentibus annis cernerent in virum crescere, nihilq; de opere nostra redemptionis, nihil de salute mundi præferre, haud quaquam tamen vel in minimo de sapientia profundissimi consilij tui trepidabant: sed modum ac tempus (quia omnia in mensura & pondere ordinasti) ordinatisissimæ prædicationis tuae, ac redēptionis nostræ, expectabant.

*Pro sui contemptione ac nescientia, Precatio.*

**D**ulcis Iesu, da mihi nihil eitatem, malitiam & vilitatem meam perfecte cognoscere, ut cum sancto odio meipsum verè despiciam? vereq; despectus, ignotus & abiectus haber i cupiam. Eia dulcissime Iesu, infige cordi meo illam perfectæ humilitatis radicem, qua mei contemptum desiderem, atq; ex animo diligam. Amem Deus meus latere, nesciri, & vilis reputari. Cupiam ex animo, ex toto corde, ardentissimisq; votis, tui solius gloriam, honorem & benoplacitum. Hæc mihi benignissime Iesu tribue, quia ex te solo pendet quicquid est, quod est virtutis, quicquid quod boni habet speciem, Amen.

Baptizatus autem Iesu confessim ascendit de aqua: & ecce aperti sunt coeli, & vidit spiritum Dei descendenter sicut columbam, & venientem super ipsum. Et ecce vox de celo, dicens: Hic est Filius meus dilectus, in quo mihi complacui. Matthæi III, Marci I, Lucæ III.

*Theoria XL.*

<sup>41.</sup>  
Iordanis.

**B**enignissime, innocentissime, humillime, & mansuetissime Iesu, quanto amo nostram salutem zelabis, qui nihil eorum omisiisti quod in nostram cederet salutem, nihil præteristi quod nobis utile cognosceres, aut salutare futurum. Siquidem nullum contra peccata remedium horruisti suscipere, quo vel nos quotidie omnis hora peccantes ad peccatorum expiationem, & remedia querenda tuo exemplo inuitares. Ea propter humilis venisti ad Iordanem, baptismum à Ioanne suscepturus. Tu in aquas lauandus, qui nihil habebas lauandum, humiliiter descendisti. Tu caput tuum reuerendissimum angelicisq; potestatibus tremendum, Præcursoris manibus, quo omnem impleres iustitiam, aquis tingendum submisisti. Tu baptismo tuo peccata nostra diluisti. Nam sanctificati & ac generatiæ virtutis tūc potestatem aquis baptismi indidisti. Ibi cœli aperti sunt, ut quanta sit virtutis baptismus manifestaretur, & Trinitas sacrosancta reuelata est.

*Pro lachrymis contritionis & paenitentie, Precatio.*

**T**aque pro hac pientissima dignatione tua, cui nihil unquam nimium, imò eius charitati nihil satis visum fuit, quicquid pro vilibus his sarcinulis ageres, aut patereris, adoro te Christe Iesu salvator. Adoro te, inquam, laudo & benedico, gratiasq; tibi ago, obsecrans te per hanc charitatem, qua nobis potestatem dedisti, ut ab omnibus valeamus peccatis expiari, ab æterna damnatione liberari, Dei filij, ac regni possimus cohæredes fieri, ut quia post hanc gratiam susceptam, ingratissimus atque nefandissimus peccator, peccatis quotidie me inquinavi, tibiq; contumeliosus



tumeliosus & blasphemus, præcepta tua impudenter transgredior, da mihi quotidiane, iudeo indefinenter pro Iordanie, pro altero baptismo, lachrymas veræ pœnitentiaz, lachrymas viscerofaz intimæq; contritionis & amoris, quibus merear in hac vita totus à delictis expiari, atq; ante animæ meæ egressum de hoc corpore totus tibi, pleneq; ac perfectè purgatus, reconciliari. Hoc præsta mihi misericordissimè Iesu, per viscera misericordia tua, non quod ego dignus sim, vel merear accipere, sed quia id tu vis & potes dare. Decet enim maximum & misericordissimum, non parua, sed magna dare, Amen.

Iesus autem agebatur in spiritu in desertum, diebus quadraginta, & tentabatur à diabolo. Et nihil manducavit in illis diebus. Et consummatis illis, postea esurijt. Dixit autem illi diabolus: Si filius Dei es, dic lapidi huic, ut panis fiat. Et respondit ad illum Iesus: Scriptum est: Quia non in solo pane vivit homo, sed in omni verbo Dei. Luca IV.

## Theoria XLII.

**R** Egressus ab Iordanie, bone Iesu, in desertum iuisti locum, abstinenſ & affliges temetipsum pro nobis. Vacabas enim in solitudine ieunio, orationi, filatio, <sup>12.</sup> Tentat. vigilijs, cæterisq; eremi exercitijs id genus deuotis. Voluisti enim hoc genus vita in te ipso consecrare, atque nobis persuasibile facere: quippè, qui omnia propter nos fecisti. Ideo etiam à diabolo tentati, atque de loco in locum duci te permisisti. Quid enim solus, & in afflictione carnis, voluisti diaboli tentationes experiri, gurusq; superato dæmone, ab angelis ministrantibus honorari? nisi ut abstractam nobis vitam commendares, & quæ nobis futura ibi essent, quamq; illâ non formidanda, sed in te omnia vincenda forent, prænuncias.

*Aduersus acediam, cunctasq; temptationes, Precatio.*

**B** Enignissime Iesu, pro hoc eremi incolatu, pro humili cohabitatione deserti, pro longa abstinentia & ieunij, pro vigilijs deuotis, pro in commodis deserti à te perpessis, dum sub diuo & sine tecto moraris, dum sede cares & lesto, dum inter bestias conuersaris, dum homo deniq; humiliter in deserto, qui rex es cœli, quiescis: pro feruentissimis deniq; orationibus, & pro temptationibus quas gloriose vincens, de hoste triumphasti, adoro, laudo & benedico te, gratiasq; tibi ago pie Iesu, orans te per misericordiam tuam immeñam, libera & protege me à spiritu acedia, ut in seruicio tuo nunquam te pescam: sed feruenter mortificationi propriæ, & orationi strenue insistam, omnesq; temptationes fortiter tua virtute superem, quicquid tuo est contrarium honori, funditus execrando à me repellam. Dulcis Iesu, nulla sit tentatio quæ à te me repellat, quæ impediatur, quæ delectet, quæ separat aut maculet, sed tentatio omnis me ad te magis promoueat ac urget, & fortius me tibi coniungat. Amen.

Iesus vocauit discipulos suos, & elegit duodecim ex ipsis. Luca VI.

## Theoria XLIII.

**P** lissime Iesu, benedico, laudo, & adoro te, quod discipulos tibi congregare, & ex ijs duodecim Apostolos, fidei præcones eligere dignaus es, qui abs te perfectè erudit, tam vitæ quam eruditioñis tuz gesta vnuerso prædicarent mundo. <sup>43.</sup> *Votathor.*

cc Netra-



Ne tamen sedes quam prædicare deberent, humanæ sapientiæ persuasionibus mentibus crederetur introducta humanis, elegisti eos simplices, innocentes atq; illiteratos, qui fingere decipere ne scirent, elegisti pauperes & ignobiles, qui neminem premere, nem inemni cogere possent, quosq; nemo formidaret, nemo illorum gratiam affectaret modo humano, neq; deniq; mundani quipiam expectaret ab illis. Dedisti verò eis potestatem super dæmonia, & vt languores curarent.

*Pro incremento vita melioris, Precatio.*

**D**A piissime Iesu, vt vocationis meæ gratiam non negligam, non sim gratus tuæ ingratus, sed prioribus nihil habitus, ad anteriora perfectioraq; semper me extendam, omnia verò castissima deuotione in tui solius gloriam referam, Amen.

Iesus exiit in montem orare, & erat per noctans in oratione Dci. Lucae VI.

*Theoria XLIV.*

44.  
Incōmoda.

**Q**Vid tibi benignissime Iesu retribuam, aut quas gratias agam bonitati tuæ pro ærumnis, pro incommodis & miseris multis, quas per omnem vitam mei amore tu pertulisti, videlicet fatem, fitim, frigora, æstum, sudores, paucorem, aliasq; corporis afflictiones, & carnis infirmitates? Omnis nanq; vita tua, laboris, paupertatis atq; penalitatis veram expressit effigiem.

*Pro spiritu discretionis, & sui in Dei prouidentiam submissionis, Precatio.*

**E**Ia misericordissime Iesu, non sit tam arduum nec tam graue incommodum, quod ego non feruentissimo desiderio, imò occurrens tui amore suscipiam, quod non patientissimo corde longanimiter & cum gratiarum actione suscipiam. Da etiam benignissime Iesu, vt carnis necessitatibus non ad delectationem, sed discretionem, & ad tui gloriam, iuxta tuum beneplacitum satisfaciam. Et quia mensuram discretionis ignoro, omnia mea, atque meipsum totum tuæ prouidentiæ atq; directioni committo, subiacio, atq; resigno, orans te per bonitatem tuam, vt tu me regas, tu solus possideas, atq; in laudem ac beneplacitum totum me conservas, Amen.

Iesus fatigatus ex itinere, sedebat sic supra fontem Ioannis IV.

*Theoria XLV.*

45.  
Fessus.

**B**enignissime Iesu, quis explicare posset labores quos pertulisti in discursu, fatigazione corporis tui, in virium exhaustione, quando pro salute animarum de ciuitate in ciuitatem, de castello in castellum mundi saluator ibas, in labbris item & vigilijs, quando in orationibus sæpe pernoctabas, & pro conuersione peccatorum gemitis, suspiris laetrimisq; orans, Patrem inuocabas? Inde est pte Iesu, quod fessum ex itinere super puteum te sedentem, & cum muliere Samaritana non parua mysteria tractante de regno Dei, quodq; orantem in monte acibi pernoctantem, legimus.

*Pro zelo divini honoris, Precatio.*

**A**H mansuetissime Iesu, da mihi zelum pro honore tuo, & pro animarum salute, vt mea peccata & aliena in desinenter lugeam, atque pro virtute, pro tuo benepla-



beneplacito & honore nunquam fatiger, nullis laboribus parcā: imō omnes vi-  
res meas pro tui amore expendam, Amen.

Et circumibat Iesu omnes ciuitates & castella, docens in Synagogis  
eorum, & prædicans Euangelium regni, & curans omnem languorem  
& omnem infirmitatem. Videns autem turbas, misertus est eis, quia e-  
rāt vexati, & iacentes sicut oves non habentes pastorem. Matthæi IX.

Renunciate quæ audistis & vidistis. Cæci vident, claudi ambulant, le-  
prosi mundantur, Math. XI.

## Theoria XLVI.

**A**MANTISSIME dulcissimeq; Iesa, pro pietate, pro compassione, pro misericordia atq; benignissima beneficentia tua, quām in quoscumque languidos, mife-  
ros ac mœstos effuciisti, nulli te negans, neminemq; non exaudiens, quo om-  
nium tristicias, omnium eruinas, morbosq; depelleres, te adoro, te laudo, te bene-  
dico, tibiq; gratias ago. Si quidem tu cæcis visum, tu surdis auditum, tu leprosis  
mundiam, tu sanitatem languidis, mortuis tu vitam reddidisti. Nec solum bene-  
ficia corporibus, verum etiam animabus sanitatem restituisti. Hæc enim gloriofa  
miracula, hæc signa sola potentissima virtute tua, hoc est, omni potentia tua diuina  
siebant, atq; idè in testimonium diuinitatis tñæ, arque veritatis salutifera quæ  
prædicabas, eadem conuertebas. O cor tuum piissimum, super omnes compatiens-  
simum, qui neminem à te non consolatum abiire sinebas. Omnia te mœror  
fauciat, grauabit, q; cor tuum piissimum singulorum calamitas, quia tu solus es,  
qui hominum laborem & dolorem consideras. Tibi enim derelictus erat pauper,  
orphano & pupillo tu eras adiutor. O quantum exultauit mater tua pientissima, in  
his, quæ de te gloriose siebant, quantum cæteri amici tui gratulabantur, & tuo ho-  
nori, & animarum ad te reuertentium, teq; collaudantium, saluti.

## Pro commiseratione &amp; compassione erga afflitos quos suis, Precatio.

**D**VICIS Iesu, da mihi cor misericordissimum atq; compatiensimum, quo o-  
mnibus afflictis condoleam, omnium tristitiam, omnemq; miseriariam alienā,  
in corde meo, ut propriam sentiam, & tanquam pia mater portem, omni-  
umq; indigentia affectuofissima atq; exuberantisima cordis liberalitate, hilariter-  
q; subueniā. Sana & tu Iesu misericordissime animam meam multis vitijs & passio-  
nibus malis languidam, ut his omnibus exuta, purissimo semper tibi amore inhæ-  
reat. Prædicetur & admirabilis fiat in me potentia & virtus gratiæ tuz, quæ ex  
impio pium, ex tepido feruidum, ex ignavo deuotum me faciat & perfectum,  
Amen.

Euangelizare pauperibus misit me, sanare contritos corde, prædica-  
re captiuis remissionem, cæcis visum, dimittere confractos in remis-  
sionem Esaiæ LXI, Luca IV.

## Theoria XLVII.

Recole



**R**Ecole præterea zelum feruoremq; tuum misericordissime Iesu, quo animarum salutem sitiens procurabas, discurrens veluti amore ebris erga nos per mundum, discipulosq; mittens ante faciem tuam, pro ouibus tuis dispersis congregandis euangelizans pacem, pœnitentiam & regnum cœlorum: idq; tanta vehementia & assiduitate, vt etiam cibim aliquando intrea intermitteres, & interdum à mane usq; ad vesperam iejunus prædicares. Heu bone Iesu, quanta charitate, quanta spiritus vehementia, quanta verborum suauitate, populum docens, illum ad te trahebas, quantum cor tuum piissimum populi deuotio post te currentis oblectabat, quantum cupiebas omnes congregare, quemadmodum gallina colligit pullos suos sub alas, vt omnium miserareris, & omnes saluos faceres.

*Pro zelo diuini honoris, salutisq; animarum. Precatio.*

**D**A mihi piissime Iesu, tui amorem feruentissimum, da mihi tui honoris animarumq; zelum. Vtinam crucier me salubriter opprobrium tuum, delectet me honor tui: nihil me afficiat, nisi tu, nihil contristet nisi delictum. Eia Salvator piissime, doce me omnem facere voluntatem tuam, quia Deus meus es tu, Amen.

Quis non timebit te Domine, & magnificabit nomen tuum, quia solus pius es. Apocalipsis XV.

*Theoria XLVIII.*

*Pius est.*

**D**omine Iesu misericordissime, piissime, clementissime, cuiusq; miserationis neq; mensura est, neq; numerus, quantum spem cunctis pœnitentibus venias hoc præber, quantam fiduciam præstat desolatis ad te reuertendi, quod peccatoribus hic adea benevolum, pium, misericordem, affabilem, mitem, benignum atq; compatientem te exhibuisti, quod morum tuorum honestissimo apparatu, quod verborum dulcedine, quod deniq; charitate in omnibus verbis, gestibus, moribus, ac membris tuis flagrance, ac se manifestante, peccatores inuitabas, ad te trahebas, ad tui familiaritatem recipiebas, vt ad fidutiam & spem venias eos alliceas, benigne colloquendo, atq; cum eis manducando? Tu enim Zacchæum, tu Matthæum vasa iniquitatis, in electionis phialas conuertisti. Tu Magdalenam peccatricem in tui familiarissimam ardentiſſimam amaricem atq; discipulam murasti. Tu in adulterio deprehensam, benignissime absoluisti. Et quis aliis est, qui peccata dimit-tat nobis, nisi tu?

*Pro peccatorum venia, charitateq; erga inimicos. Precatio.*

**A**H piissime Iesu, quantum animas diligis, qui erga tam ingratos & sceleratos peccatores tantam charitatem ostendis. Da quæso pie Iesu, mihi omnium sceleratissimo, de peccatis meis veniam, atq; venie & gratiae tuae spem, fiduci-amq; in deficiente. Da mihi pietatem, misericordiam, & in omnes latissimam charitatem, vt cunctis ignoscam, odientes diligam, maleficiens benefaciam, atq; profundissima meipius humilatione, mansuetissima mititate, patientissimam iniuriarum tolerantia, ad charitatem eos conuertam, Amen.

Pharisæi dixerunt: Hic non ejicit dæmones, nisi in Beelzebub principet dæmoniorum. Matthæi 12. Lucæi 11.

*Theoria*



## Theoria XLIX.

**H**eu bone Iesu, quantam à gente tua ingratitudinem, quantum odium pro omnibus laboribus, prædicationibus, ac bonis operibus, quantas iniurias, quantas derisiones & detractio[n]es pertulisti. Inuidebant honori & famæ tuæ scribæ & Pharisei, atq[ue] indignis blasphemis gloria tuæ detrahébant. Infidibantur sermoni oris tui, & dolos quæstionibus te circumuenire, capere moliebantur. Omnes actus, verba & opera tua, iniqua æmulatione obseruabant, si possent contra te inuenire, vnde tibi calumniam struerent, miraculorum gloriam atq[ue] diuinitatis tuæ potentiam Beelzebub ascribebant; te fabrum, fabriq[ue] filium, voracem, vini potatorem, īfanum, publicanorum amicum, legis transgreſſorem, & Samaritanū blasphemii appellabant. Ad extre[m]um, eouęg eorum processit insania, vt cōgregato confilio, necem tibi meditarentur, atque occidendum te, idq[ue] fore necessarium, predicarent. Heu misericordissime Iesu, omnes cogitationes eorum vidisti contra te, & malignantium tibi iniurias cognouisti. Veruntamen nihil illorum peruersitate motus, ediuersò tu pergebas eis benefacere. Curabas enim viam salutis vel intuitis inferre, cæcitatem illorum miseratus. Ipsi omnes confitentes te esse Christum de synagoga ejiciebant: tu verò illos caeli ciues efficeret cupiebas. Ipse tibi panem & hospitium prohibuerunt, tu verò illos regni tui cohæredes optabas.

Pro charitate erga inimicos. Precatio.

**E**Ia Christe Iesu, da mihi perfectissimam charitatem ad vniuersos, præcipue autem ad inimicos, & me oidentes, vt ex toto corde illis compatiens, eos perfectè diligam, excusem, ignoscam, & pro malis bona semper illis retribuam. Porro pro cunctis ijs iniurijs, persequotionibus & blasphemis propter me, heu bone Iesu, abs te toleratis, adoro, laudoq[ue] te, & bonitati, charitatique tuæ immensa, gratias ago.

Plurima turba strauerunt vestimenta sua in via. Alij autem cædebāt ramos de arboribus, & sternebant in via. Turbæ autem quæ precedebant & quæ sequebantur, clamabant, dicentes: Hosanna filio Dauid: benedictus qui venit in nomine Domini, Hosanna in altissimis. Et cum intrasset Hierosolymam, commota est vniuersa ciuitas, dicens: Quis est hic? Populi autem dicebant: Hic est Iesus Propheta à Nazareth Galilæo. Matth. 21.

## Theoria L.

**M**ansuetissime Iesu, agne mitissime, quanta est mansuetudo cordis tui, qui omnium iniuriarum immemor, ad Hierosolymam, in qua te paulo post Palmis sciebas occidendum, lenis, mitis, mansuetus, ac super asinam sedens aduenisti. Occurrunt turbæ & magno te honore suscipiunt, vestimenta exuentes, & ea in via sternebentes: alijs verò ramis arborum & magno clamore laudam canentes, te introducunt, scribis interea & Phariseis acriori in te odio pariter ac inuidia tabescētibus. Vertum quid tu inter has laudes humilimus agebas? Videlicet ciuitatem fleuisti super illam. Nihil enim horum laudibus motus exultabas, sed delicta eorum ma-

cc 3 xima

